


7  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42



古140

54711

102





不貸出





0  
913.1  
歐

一冊 14560-1456



C  
913.1  
歐

二冊 14560-14561




歐陽廬陵集卷一百三十四

集古錄

序

物常聚於所好而常得於有力之彊有力而不好好之而無力雖  
近且易有不能致之象犀虎豹鬻夷山海殺人之獸然其齒角皮  
革可聚而有也玉出崑崙流沙萬里之外經十餘譯乃至乎中國  
珠出南海常生深淵採者腰絙而入水形色非人往往不出則下  
飽蛟魚金礦於山鑿深而穴遠篝火饒糧而後進其崖崩窟塞則  
遂葬於其中者率常數十百人其遠且難而又多死禍常如此然  
而金玉珠璣世常兼聚而有也凡物好之而有力則無不至也湯



盤孔鼎岐陽之鼓岱山鄒嶧會稽之刻石與夫漢魏已來聖君賢士桓碑彝器銘詩序記下至古文籀篆分隸諸家之字書皆三代以來至寶怪奇偉麗工妙可喜之物其去人不遠其取之無禍然而風霜兵火湮淪摩滅散棄於山崖墟莽之間未嘗收拾者由世之好者少也幸而有好之者又其力或不足故僅得其一二而不能使其聚也夫力莫如好好莫如一予性顓而嗜古凡世人之所貪者皆無欲於其間故得一其所好於斯好之已篤則力雖未足猶能致之故上自周穆王以來下更秦漢隋唐五代外至四海九州名山大澤窮崖絕谷荒林破塚神仙鬼物詭怪所傳莫不皆有以爲集古錄以謂轉寫失真故因其石本軸而藏之有卷帙次第

而無時世之先後蓋其取多而未已故隨其所得而錄之又以謂聚多而終必散乃撮其大要別爲錄目因并載夫可與史傳正其闕繆者以傳後學庶益於多聞或譏予曰物多則其勢難聚聚久而無不散何必區區於是哉予對曰足吾所好玩而老焉可也象犀金玉之聚其能果不散乎予固未能以此而易彼也廬陵歐陽

### 修序

昔在洛陽與余遊者皆一時豪雋之士也而陳郡謝希深善評文章河南尹師魯辨論精博余每有所作二人者必申紙疾讀便得余深意以示他人亦或時有所稱皆非余所自得者也宛陵梅聖俞善人君子也與余共處窮約每見余小有可喜事歡然若在諸

已自三君之亡余亦老且病矣此敘之作既無謝尹之知音而集錄成書恨聖俞之不見也悲夫嘉祐八年歲在癸卯七月二十四日書


錄日記

集古錄既成之八年家君命棐曰吾集錄前世埋沒闕落之文獨取世人無用之物而藏之者豈徒出於嗜好之僻而以爲耳目之玩哉其爲所得亦已多矣故嘗序其說而刻之又跋於諸卷之尾者二百九十六篇序所謂可與史傳正其闕繆者已麤備矣若撮其大要別爲目錄則吾未暇然不可以闕而不備也棐退而悉發千卷之藏而考之曰嗚呼可謂詳矣蓋自文武以來迄於五代盛

衰得失賢臣義士姦雄賊亂之事可以動人耳目者至於釋氏道家之言莫不皆有然分散零落數千百年而後聚於此則亦可謂難矣其聚之既難則其久也又遂將散而無傳宜公之惜乎此也於是各取其書撰之人事迹之始終所立之時世而著之爲一十卷以附於跋尾之後夫事必簡而不煩然後能傳於久遠今此千卷之書者刻之金石託之山崖未嘗不爲無窮之計也然必待集錄而後著者豈非以其繁而難於盡傳哉故著其大略而不道其詳者公之志也熙甯二年二月記

右集古錄序成於嘉祐末年其云有卷帙次第無時世先後蓋取多而未已故隨其所得而錄之此公述千卷不以世代爲序之意

也又云撮其大要別爲錄目因載夫可與史傳正其闕繆者以傳  
後學此公述錄目跋尾之意也至熙甯二年公之子叔弼記其後  
云公命棐曰吾跋諸卷之尾者二百九十六篇若撮其大要別爲  
錄目則吾未暇棐乃盡發千卷著其大略自今觀之公序明言別  
爲錄目而棐乃記公未暇之語世傳集古跋十卷四百餘篇而棐  
乃謂二百九十六篇雖是時公尚無恙後三年方薨然續跋纔十  
餘耳不應多踰百篇得非寫本誤以三百爲二百或棐記在熙甯  
之前邪棐又云爲十卷附跋尾之後今錄目自爲一書乃二十卷  
不過列碑石所在及其名氏歲月初無難者何未暇之有是皆可  
疑姑以棐所記附公本序之後而自周秦至於五季皆隨年代爲  
之序庶幾時世先後秩然不紊間有書撰出於一手其歲月相邇  
則類而次之又於每卷之末備存當時卷帙之次第旣以便今亦  
不失其初云





歐陽廬陵集卷一百三十四

集古錄

跋尾目錄

古敦銘

毛伯敦  
伯庶父敦

龔伯彝

商雒鼎銘

古器銘


終南古敦銘

敦匱銘

張仲器銘

秦度量銘

次易量銘



韓城鼎銘

周穆王刻石

又古器銘

叔高父煮簋銘

敦匡銘

石鼓文

秦昭和鐘銘

秦祀巫咸神文

之朶山秦篆遺文

秦泰山刻石

前漢谷口銅甬銘

前漢鴈足鐙銘

後漢張平子墓銘

後漢費鳳碑

後漢劉曜碑

後漢謁者景君碑

歐陽廬陵集卷一百三十五

集古錄

跋尾目錄

後漢沛相楊君碑

後漢郭先生碑

後漢費府君碑

後漢武榮碑

後漢楊震碑陰題名

又

後漢公昉碑

後漢武班碑

又別本

祀朝那湫文附增入

秦嶧山刻石

鄒嶧山刻石

前漢二器銘

後漢袁良碑

後漢北海相景君碑

後漢孔宙碑陰題名

後漢衡方碑

後漢景君石郭銘

集古錄

又別本

增入

又別本

後漢俞鄉侯季子碑

後漢楊震碑

後漢碑陰題名

又

後漢人闕銘

後漢中常寺費亭侯曹騰碑

後漢司隸楊君碑

後漢魯相置孔子廟卒史碑

後漢修孔子廟器碑

後漢孫叔敖碑

後漢西嶽華山廟碑

後漢王元賞碑

後漢田君碑

後漢祝睦碑

後漢老子銘

歐陽廬陵集卷一百三十六

後漢張公廟碑

後漢孔德讓碑

後漢樊常侍碑

後漢泰山都尉孔君碑

後漢朔方太守碑陰

後漢郎中鄭固碑

後漢桐柏廟碑

後漢祝睦後碑

後漢堯祠祈雨碑

集古錄

跋尾目錄

後漢冀州從事張表碑

後漢金鄉守長侯君碑

後漢孔君碑

後漢北軍中侯郭君碑

後漢堯母碑

後漢高陽令楊君碑

又漢楊君碑陰題名

後漢楊公碑陰題名

後漢竹邑侯相張壽碑

後漢魯相晨孔子廟碑

後漢慎令劉君墓碑

後漢析里橋鄒閣頌

後漢繁陽令楊君碑

後漢楊君碑陰題名

後漢碑陰題名

後漢殘碑陰

後漢魯峻碑

後漢桂陽太守周府君紀功銘

後漢桂陽周府君碑後本

又別本

後漢郎中王君碑

後漢太尉陳球碑

後漢修西嶽廟復民賦碑

後漢無極山神廟碑

後漢敬仲碑

後漢亭長蔡君頌碑

後漢元儒婁先生碑

後漢桂陽周府君碑

後漢秦君碑首

後漢堯祠碑

後漢樊毅華嶽廟碑

後漢樊毅華嶽碑

後漢北嶽碑

後漢穀阮君神祠碑

後漢無名碑

後漢唐君碑

後漢朱龜碑

後漢太尉劉寬碑

後漢太尉劉寬碑陰題名

後漢文翁石柱記

後漢熊君碑

後漢殘碑

歐陽廬陵集卷一百三十七

集古錄

跋尾目錄

魏受禪碑

後漢司隸從事郭君碑

又後漢太尉劉寬碑

後漢小黃門譙君碑

後漢文翁學生題名

後漢元節碑

後漢天祿辟邪字

魏鍾繇表

又別本

魏劉熹學生冢碑

魏鄧艾碑

吳國山碑

晉南鄉太守碑

晉陸階碑

晉蘭亭修禊序

又

晉王獻之法帖

晉賢法帖

魏公卿上尊號表

魏賈逵碑

吳九真太守谷府君碑

晉南鄉太守頌

南鄉太守碑陰

晉樂毅論

范文度摹本蘭亭序

又

又

晉七賢帖

宋文帝神道碑

齊鎮國大銘像碑

又增入

陳浮屠智永書千字文

魏九級塔像銘

又

後魏孝文北巡碑

後魏石門銘

魯孔子廟碑

東魏造石像記

宋宗懋母夫人墓誌

南齊海陵王墓銘

梁智藏法師碑

又

大代修華嶽廟碑

懷州孔子廟碑

後魏定鼎碑

後魏神龜造碑像記

東魏任城王造浮圖記

北齊常山義七級碑

又別本

北齊石浮圖記

歐陽廬陵集卷一百三十八

集古錄

跋尾目錄

隋太平寺碑

隋介朱敬碑

又別本

隋梁洋德政碑

隋陳茂碑

永樂十六角題名

後周大像碑

隋老子廟碑

隋龍藏寺碑

隋李康清德頌

隋韓擒虎碑

隋蒙州普光寺碑

隋丁道護啓法寺碑

隋鉗耳君清德頌

又別本

唐孔子廟堂碑

唐呂州普濟寺碑

唐顏師古等慈寺碑

又別本

唐郎穎碑陰題名

唐九成宮醴泉銘

唐皇甫忠碑

隋汎愛寺碑

隋廬山西林道場碑

唐德州長壽寺舍利碑

千文後虞世南書

唐幽州昭仁寺碑

隋郎茂碑

唐郎穎碑

唐孝子張常洵旌表碣

唐歐陽率更臨帖

唐岑文本三龕記

唐孟法師碑

陳張慧湛墓誌銘

唐益州學館廟堂記

唐辨法師碑

唐龍興宮碧落碑

唐智乘寺碑

唐陶雲德政碑

歐陽廬陵集卷一百三十九

集古錄

跋尾目錄

唐孔穎達碑

唐薛稷書

唐衛國李靖碑

唐吳廣碑

唐徐王元禮碑

唐九門縣西浮圖碑

唐八都壇實錄

唐乙速孤神慶碑

唐尹孝子旌表文

又

又

唐韓覃幽林思

唐武盡禮甯照寺鐘銘

唐有道先生葉公碑

唐御史臺精舍記

唐令長新戒

唐魏載墓誌銘

唐尹氏闕文

唐渭南令李君碑

唐流杯亭侍宴詩

唐司刑寺大腳跡敕

唐崔敬嗣碑

唐韋維善政論

唐郭知運碑銘

唐西嶽大洞張尊師碑

唐興唐寺石經藏贊

唐李邕端州石室記

又

唐景陽井銘

唐石臺道德經

唐鵲鴿頌

唐裴光庭碑

唐萬回神迹記碑

唐李邕嵩嶽寺碑

唐安公美政頌

唐郎官石記

唐獨孤府君碑

唐蔡有鄰盧舍那珉像碑

唐華嶽題銘

唐陝州盧奐廳事贊

唐元宗謁玄元廟詩

唐羣臣請立道德經臺奏答

唐張嘉正碑

唐裴大智碑

唐石壁寺鐵彌勒像頌

唐開元聖像碑

唐大照禪師碑

唐鄭預注多心經

唐舞陽侯祠堂碑

唐華陽頌

歐陽廬陵集卷一百四十

集古錄

跋尾目錄

唐開元金錄齋頌

唐明禪師碑

唐徐浩元隱塔銘

唐植柏頌

唐薛仁貴碑

唐崔潭龜詩

唐美原夫子廟碑

唐龍興寺碑

唐放生池碑

唐龍興七祖堂頌

唐顏真卿書東方朔畫贊

唐顏真卿書東方朔畫贊

唐顏真卿書東方朔畫贊



唐畫贊碑陰

唐李陽冰忘歸臺銘

唐縉雲孔子廟記

又

唐裴虬怡亭銘

又別本

唐元結陽華巖銘

唐禹廟碑

唐李燈碑

唐顏真卿小字麻姑壇記

唐李陽冰城隍神記

衛秀書梁思楚碑

唐呂諲表

唐徐方回西墉記

唐顏魯公題名

唐元結窪尊銘

唐元結崕臺銘

唐崇徽公主手痕詩

唐顏真卿麻姑壇記

唐中興頌

又別本

唐李陽冰阮客舊居詩

唐竇叔蒙海濤誌

唐裴公紀德碣銘

唐龍興寺四絕碑首

唐干祿字樣模本

唐滑州新驛記

唐杜濟神道碑

唐顏真卿射堂記

唐僧懷素法帖

唐李陽冰庶子泉銘

唐元靜先生碑

唐鹽宗神祠記

又別本

唐干祿字樣

又別本

唐歐陽珪碑

唐杜濟墓誌銘

唐王師乾神道碑

唐張敬因碑

又

唐重摹吳季子墓銘

唐鴈門王田氏神道碑

歐陽廬陵集卷一百四十一

集古錄

跋尾目錄

唐顏氏家廟碑

又

唐顏魯公帖

唐顏魯公法帖

唐顏勤禮神道碑

又別本

唐顏魯公書殘碑

唐湖州石記

唐顏魯公二十二字帖

唐元次山銘

唐張中丞傳

唐汾陽王廟碑

唐辨正禪師塔院記

唐郭忠武公將佐略

唐神女廟詩

又

唐石洪鍾山林下集序

唐韓退之題名

唐韓愈南海神廟碑

唐韓愈黃陵廟碑

唐甘棠館題名

唐賀蘭夫人墓誌

唐韓愈盤谷詩序

唐濟瀆廟祭器銘

唐馬實墓誌銘

唐陽武復縣記

唐房太尉遺愛碑陰記

唐田宏正家廟碑

唐韓愈羅池廟碑

唐胡良公碑

唐韓文公與顛師書

唐盧頊禱聰明山記

又

唐虞城李令去思頌

唐南嶽彌陀和尚碑

唐于夏神道碑

唐李光進碑

歐陽廬陵集卷一百四十二

集古錄

跋尾目錄

唐高閑草書

唐侯喜復黃陂記

唐柳宗元般舟和尚碑

唐僧靈澈詩

唐陽公舊隱碣

唐昭懿公主碑

唐沈傳師遊道林嶽麓寺詩

唐張元齡碑

唐田布碑

唐李德裕茅山三像記

唐李文饒平泉山居記

唐大孤山賦

唐元稹修桐柏宮碑

唐薛苹唱和詩

賽陽山文

唐王質神道碑

唐樊宗師絳守居園池記

唐崔能神道碑

唐鄭權碑

唐李德裕平泉草木記

唐李德裕大孤山賦

唐辨石鍾山記

唐李藏用碑

唐法華寺詩

唐武侯碑陰記

唐元度十體書

唐鄭澣陰符經序

唐山南西道驛路記

唐李聽神道碑

唐高重碑

唐復東林寺碑

唐夔州都督府記

唐圭峯禪師碑

又別本

增入

又

唐礪溪廟

又

唐何進滔德政碑

唐李石神道碑

唐康約言碑

唐會昌投龍文

唐俞珣書陳果仁告

身并捨宅造寺疏

唐濠州勸民栽桑敕碑

唐閩遷新社記

唐令狐楚登白樓賦

唐白敏中碑

唐于僧翰尊勝經

唐陸文學傳

唐百巖大師懷暉碑

歐陽廬陵集卷一百四十三

集古錄

十八跋尾目錄

唐王重榮德政碑

唐花林宴別記

唐王藻詩

張龍公碑

唐孔府君神道碑

又增入

又

又

又

又

唐張將軍新廟記

唐潤州施羅尼經幢

唐人書楊公史傳記

又別本

瘞鶴銘

黃庭經 四首

小字道德經

小字法帖

十八家法帖

景福遺文

福州永泰縣無名篆

謝仙火

裴夫人誌

楊凝式題名

又

遺教經

唐人臨帖

又

雜法帖 六首

浮槎寺八記詩

又

周伯著碑

五代時人署字

徐鉉雙溪院記

王文秉小篆千字文


郭忠恕小字說文字源


太清石闕題名

王文秉紫陽石磬銘

郭忠恕書陰符經

太清東闕題名





歐陽廬陵集卷一百三十四

王天集

歐陽廬陵集卷一百三十四

集古錄

古敦銘

毛伯敦 龔伯彝 元第九百四十一

伯庶父敦

右毛伯古敦銘嘉祐中原父以翰林侍讀學士出為永興軍路安撫使其治在長安原父博學好古多藏古奇器物能讀古文銘識考知其人事蹟而長安秦漢故都時時發掘所得原父悉購而藏之以予方集錄古文故每有所得必摹其銘文以見遺此敦原父得其蓋於扶風而有此銘原父為予考按其事云史記武王克商尚父牽牲毛叔鄭奉明水則此銘謂鄭者毛叔鄭也銘稱伯者爵也史稱叔者字也敦乃武王時器也蓋余集錄最後得此銘當作

錄目序時但有伯冏銘吉日癸巳字最遠故敘言自周穆王以來敘已刻石始得斯銘乃武王時器也其後二銘一得蓋屋曰龔伯尊彝其一亦得扶風曰伯庶父作舟姜尊敦皆不知為何人也三器銘文皆完可識具列如左 右真蹟

毛伯敦銘

二季 正日 初吉 王十 周初  
宮 而 王 于 周 用 亦 白 丙  
門 大 車 物 奇 祝 龔 王 乎 內 史  
冊 命 龔 王 出 龔 咎 方 王 然 命  
也 止 号 龔 又 是 祝 今 今 王 然 命

喬了命 卯 夬 炎 市 同 龔 口 黃  
龔 加 用 車 龔 材 龔 出 昔 對 對 情  
大 子 休 命 龔 用 止 朕 皇 季 龔  
日 龔 祝 龔 女 龔 龔 龔 龔 龔 龔  
龔 龔 龔 龔 龔 龔 龔 龔 龔 龔

釋文

惟二年正月初吉王在周昭宮丁亥王格于宣射毛伯入門位中庭右祝鄭王呼內史冊命鄭王曰鄭昔先王既命 作邑口  
一字未詳 薛釋作繼 五邑祝今余佳亂商乃命錫女赤芾同冕齊黃鑿旂用事鄭拜稽首敢對揚天子休命鄭用作朕皇考龔伯尊敦鄭

其壽壽萬年無疆子子孫孫永寶用享

薛尚功釋云惟二年正月初吉王在周邵宮丁亥王格于宣榭  
毛伯內門立中廷佑祝躬王呼內史冊命躬王曰躬昔先王既  
命汝作邑繼五色祝今余惟曠京乃命錫躬赤芾形冕齊黃鑿  
旂用事躬拜稽首敢對揚天子休命躬用作朕皇考龔伯尊敦  
躬其眉壽萬年無疆子子孫孫永寶用享

龔伯彝銘

龔伯彝  
彝  
止  
皇  
自  
簪  
公  
文  
公  
或  
白  
皇  
考  
彝  
白  
腹  
彝  
果  
算  
從  
其  
秀  
爽  
疆  
雷  
咄  
只  
雷  
咄  
令  
算  
是  
絲  
孔  
廟  
用  
宮  
于  
宗  
室

釋文

虞作皇祖懿公文公武伯皇考龔伯尊彝虞其熙熙萬年無疆

霑終霑始其子子孫孫永寶用享于宗室

薛尚功釋云虞作皇祖益公文公武伯皇考龔伯尊彝虞其熙  
熙萬年無疆令終令命其子子孫孫永寶用享于宗室

伯庶父敦銘

伯庶父敦  
二  
月  
戊  
寅  
伯  
庶  
父  
作  
王  
姑  
舟  
姜  
尊  
敦  
其  
永  
寶  
用  
享

釋文

惟二月戊寅伯庶父作王姑舟姜尊敦其永寶用

薛尚功釋舟  
為周餘同上

韓城鼎銘

元第七百六十一



王九月... 司... 寧... 序... 陰... 尹... 妻... 余... 德... 壽...  
王九月... 司... 寧... 序... 陰... 尹... 妻... 余... 德... 壽...  
王九月... 司... 寧... 序... 陰... 尹... 妻... 余... 德... 壽...  
王九月... 司... 寧... 序... 陰... 尹... 妻... 余... 德... 壽...  
王九月... 司... 寧... 序... 陰... 尹... 妻... 余... 德... 壽...  
王九月... 司... 寧... 序... 陰... 尹... 妻... 余... 德... 壽...  
王九月... 司... 寧... 序... 陰... 尹... 妻... 余... 德... 壽...  
王九月... 司... 寧... 序... 陰... 尹... 妻... 余... 德... 壽...  
王九月... 司... 寧... 序... 陰... 尹... 妻... 余... 德... 壽...  
王九月... 司... 寧... 序... 陰... 尹... 妻... 余... 德... 壽...

用德昭化

右原甫既得鼎韓城遺余以其銘而太常博士楊南仲能讀古文篆籀為余以今文寫之而闕其疑者原甫在長安所得古奇器物數十種亦自為先秦古器記原甫博學無所不通為余釋其銘以今文而與南仲時有不同故并著二家所解以俟博識君子具之如左 右真蹟

惟王九月乙亥晉姜曰余惟司朕先姑君晉邦余不口安甯  
雖明德宣口我猷用口所辭辟口口口口口口口口口口口口口口  
寵我萬民嘉遺我錫鹵賚千兩兮灑文侯口口口口口口口口口口  
口口堅久吉金用作寶尊鼎用康頤妥懷遠邦君子晉姜用斲

□□麋壽作惠□亟萬年無疆用享用德暖保其孫子三壽是

利

右原父所寫如此

佳惟王九月乙亥晉姜曰余佳惟司嗣享朕先姑君晉邦余不

叟敬今作敢長甯經淮經離明德宣卣疑卣我耐用留彥辟

辟疑即疑驚疑久疑充疑刺疑虔疑不疑豕疑遂疑字疑譜疑諸疑卣疑享疑自疑帥疑臂疑我

萬民疑輒疑遷疑我疑汧疑易疑鹵疑或疑胃疑賚疑千疑兩疑勿疑灋疑文疑侯疑頤疑令疑畢疑卑

聿疑母疑字疑誦疑通疑卍疑征疑縣疑縣疑湯疑歸疑叙疑受疑久疑吉疑金疑用疑亡疑作疑寶疑樽疑樽

鼎用康疑夔疑夏疑字疑安疑讀疑為疑裏疑遠疑切疑君子疑晉疑姜疑用疑斲疑所疑字疑禱疑縮疑曠

疑覺疑字疑讀疑為疑眉疑畫疑弓疑策疑梁疑為疑亟疑極疑萬疑年疑無疑疆疑用疑高疑享疑用疑德疑畎疑字疑允疑保疑凶

其孫子三壽是初

右嘉祐己亥歲馮掖有得鼎韓城者摹其款識于石樂安公以

南仲職典書學命釋其字謹按其銘蓋多古文奇字古文自漢

世知者已稀字之傳者賈逵許慎輩多無其說蓋古之事物有

不與後世同者故不能盡通其作字之本意也其不傳者今或

得於古器無所依據難以臆斷大抵古字多省偏旁而趣簡易

故佳司空自亡等字皆假借也鄭司農說周禮云古者書儀但

為義又云古者立位同字古文春秋經公即位為公即位者是

也疑者疑進疑取疑也疑受疑故疑叟疑疑疑為疑叟疑母疑從疑女疑而疑象疑乳疑子疑形疑故

姬疑為母而縣讀為縣疑雖用邕聲邕从古文作今此

从水从吕故疑為雝 魯字古作表即旅字 古文旅作米而者

字用米為聲蓋古文魯旅者三字通用故譜疑為諸 易者篆

文象蜥易形故殆疑為易而讀為錫為賜皆以聲假借也鹵从

鹵古西字 中象鹽形胃胃 上象胃中穀形故鹵胃二字疑脫 卑者

从十在甲下十今俱用左古者尚 故畢疑為卑亦恐借 卣音象

穿寶貨形貫字从之聿或卽卣字今毛詩有串夷字俗用為串

穿之串而說文不載豈非聿字之省也故疑聿讀為貫 通从

辵凡从辵彳之字多通用故通疑為通 古語二字相屬者多

為一字書之若秦鐘銘有字子小旁 之字是也鹵古西字故皃

疑為西夏字秦鐘銘亦有此字 安字說文無之蓋古綏字省糸爾其

後相承讀如婿故安疑讀為綏 从偃石鼓文皆作為古之旌

旂悉載於車故疑鞞卽旂字而从車借讀為祈近嘗有得敦藍

田者二銘皆有用鞞萬畫之文故知然也 豐今幡為許刃而

豐芑之豐音門 用之為聲詩鳧鷖在豐又省為豐易繫辭豐又讀

如尾豐門尾眉聲相近又古者字音多與今異徐鉉所謂如自

門乃亦音仍他皆倣此是也 豈豐眉古亦同音與秦鐘銘亦有豐畫字故音

疑為眉 為者母猴也从爪而象其形故睪為為 眈字字書

所無而於文執宜為允蓋用眈省聲也他字不可識者猶十一

二與其偏旁之異者若再馬旅卅之類皆今所不傳以小篆

參求之不能彷彿以今揆之其間或當時書者鑄器者不必無

謬誤矣姑盡淺學以塞公命云爾

嘉祐壬寅冬十月太常博士知國子監書學豫章楊南仲識  
嘗觀石鼓文愛其古質物象形執有遺思焉及得原甫鼎器銘  
又知古之篆字或多或省或移之左右上下惟其意之所欲然  
亦有工拙秦漢以來裁歸一體故古文所見者止此惜哉治平  
甲辰正月莆陽蔡襄

商雒鼎銘真蹟元附九百四十一

右商雒鼎銘者原甫在長安時得之上雒其銘云惟十有四月既  
死霸王在下都雖公誠作樽鼎用追享于皇且考用氣麋壽萬  
年無疆子子孫孫永寶用雖公不知為何人原甫謂古丁甬通用

蓋古字簡略以意求之則得爾而蔡君謨謂十有四月者何原甫  
亦不能言也治平元年中伏日書

周穆王刻石元附七百六十一

右周穆王刻石曰吉日癸巳在今贊皇壇山上壇山在縣南十三  
里穆天子傳云穆天子二字一作王登贊皇山一字有以望臨城置壇此一  
北山遂以為名十有圖經癸巳誌其日也圖經所載如此而此一無  
字又別有四望山者云是穆王所登者一作據穆天子傳但云登  
山不言刻石然字畫亦奇怪土人謂壇山為馬蹬山以其七字形  
類也慶歷中宋尚書祁在鎮陽遣人於壇山模此字而趙州守將  
武臣也遽命工鑿山一無取其字龕於州廨之壁聞者為之嗟惜

也治平甲辰秋分日書 右真蹟

古器銘

鐘銘二  
甗銘二

缶器銘一  
寶敦銘一

缶字疑非缶  
元第三百七十一

右古器銘六余嘗見其二曰甗也寶甗鐘也太宗皇帝時長安民有耕地得此甗初無識者其狀下為鼎三足上為方甗中設銅單可以開闔製作甚精有銘在其側學士向中正工於篆籀能識其文曰甗也遂藏於祕閣余為校勘時常閱於祕閣下景祐中修大樂冶工給銅更鑄編鐘得古鐘有銘於腹因存而不毀即寶甗鐘也余知太常禮院時嘗於太常寺按樂命工叩之與王朴夷則清聲合初王朴作編鐘皆不圓至李照等奉詔修樂皆以朴鐘為非及得寶甗其狀正與朴鐘同乃知朴為有法也嘉祐八年六月十

八日書

右真蹟

又古器銘

綏和林鐘  
元第五百九十一

寶盃

寶敦

右古器銘四尚書屯田員外郎楊南仲為余讀之其一曰綏和林鐘其文摩滅不完而字有南仲不能識者其二曰寶盃其文完可讀曰伯王般子作寶盃其萬斯年子子孫孫其永寶用其三其四皆曰寶敦其銘文亦同曰惟王四年八月丁亥散季肇作朕王母弟姜寶敦散季其萬年子子孫孫永寶盃一敦而二銘余家集錄所藏古器銘多如此也治平元年七月十三日以服藥假家居書

右真蹟

自余集錄古文所得三代器銘必問於楊南仲章友直暨集錄成

書而南仲友直相繼以死古文奇字世罕識者而三代器銘亦不復得矣治平三年七月二十八日一有日一有以字孟饗攝事太廟齋宮書右真蹟

終南古敦銘 元第二百四十一

右終南古敦銘大理評事蘇軾為鳳翔府判官得古器於終南山下其形制與今三禮圖所畫及人家所藏古敦皆不同初莫知為敦也蓋其銘有寶尊敦之文遂以為敦爾 右集本

叔高父煮一作旅簋銘 元第四十一

叔高父煮一作旅簋銘 元第四十一

此蓋銘

叔高父煮一作旅簋銘 元第四十一

此腹銘

右一器其銘云叔高父作者簋其萬年子子孫孫永寶用其容四升外方內圓而小壻之望之略似龜有首有尾有足有腹有甲也今禮家作簋內正圓外方正刻蓋正為龜形猶有 也不全與古同耳

此銘劉原父在永興得古銅簋模其銘以見寄其後原父所書也禮家作簋傳其說不知其形制故名存實亡此器可以正其繆也甲辰正月十二日襄

右煮簋銘曰叔高父作者簋其萬年子子孫孫永寶用原父在長

安得此簋於扶風原甫曰簋容四升其形外方內圓而小壻之似  
龜有首有尾有足有甲有腹今禮家作簋亦外方內圓而其形如  
桶但於其蓋刻爲龜形一有爾字與原甫所得真古簋不同一有也字君謨  
以謂禮家傳其說不見其形制故名存實亡原甫所見可以正其  
繆也故并錄之以見君子之於學貴乎多見而博聞也治平元年  
六月二十日書 右真蹟

敦匱銘

周姜寶敦 張伯煮匱  
元附八百九十一

右伯罔敦銘曰伯罔父作周姜寶敦用夙夕享用靳萬壽尚書罔  
命序曰穆王命伯罔爲周太僕正則此敦周穆王時器也按史記  
一有本紀二字年表自厲王以上有世次而無年數共和以後接乎春秋

年數乃詳蓋自穆王傳共孝懿夷厲五王而至於共和自共和至  
今蓋千有九百餘年斯敦之作在共和前五世而遠也古人之  
欲存乎久遠者必託於金石而後傳其埋沈埋沒顯晦出入不可  
知其可知者久而不朽也然岐陽石一作十鼓今皆在而文字剝缺  
者十三四惟古器銘在者皆完則石之堅又不足恃是以古之君  
子器必用銅取其不爲燥濕寒暑所變爲可貴者以此也古之賢  
臣名見詩書者常爲後世想望矧得其器讀其文器古而文奇自  
可寶而藏之邪其後張伯匱銘曰張伯作煮匱其子子孫孫永寶  
用張伯不知何人也二銘皆得之原父也治平元年正月二日書  
右集本

敦医銘

伯罔敦元無卷第

張仲医

按医即籒字

嘉祐六年原父以翰林侍讀學士出為永興軍路安撫使其治在長安原父博學好古多藏古奇器物而咸鎬周秦故都其荒基破冢耕夫牧兒往往有得必購而藏之以余方集錄古文乃摹其銘刻以為遺故余家集古錄自周武王以來皆有者多得於原父也歸自長安所載盈車而以其二器遺余其一曰伯罔之敦其一曰張仲之医其形制與今不同而極精巧敦医皆有銘而云医獲其二皆有蓋而上下皆銘銘文皆同甚矣古之人慮遠也知夫物必有弊而百世之後埋沒零落幸其一在尚冀或傳爾不然何丁甯重複若此之煩也其於一用器為慮猶如此則其操修施設所以

垂後世者必不苟二子名見詩書伯罔周穆王時人張仲宣王時人太史公表次三代以來自共和以後年世乃詳蓋自共和元年逮今千有九百餘年而穆王又共和前五世可謂遠矣而斯器也始獲於吾二人其中間晦顯出入不可知其無文字以志之也蓋其出或非其時而遇或非其人者物有幸不幸也今出而遭吾二人者可謂幸矣不可以不傳故為之書且以為贈我之報歐陽修記右集本

張仲器銘

集本

元第九百八十一

臣

中

止

廟

匾

匾

奔

止

全

鏤

鏤



或醫銘雖四而文則一今類轉注偏旁之  
異者分注釋文四十一字於其下

銜 銜 銜 銜 銜 銜 銜 銜 銜 銜

𠃉 𠃉 𠃉 𠃉 𠃉 𠃉 𠃉 𠃉 𠃉 𠃉

𠃉 𠃉 𠃉 𠃉 𠃉 𠃉 𠃉 𠃉 𠃉 𠃉

𠃉 𠃉 𠃉 𠃉 𠃉 𠃉 𠃉 𠃉 𠃉 𠃉

𠃉 𠃉 𠃉 𠃉 𠃉 𠃉 𠃉 𠃉 𠃉 𠃉

𠃉 𠃉 𠃉 𠃉 𠃉 𠃉 𠃉 𠃉 𠃉 𠃉

𠃉 𠃉 𠃉 𠃉 𠃉 𠃉 𠃉 𠃉 𠃉 𠃉

𠃉 𠃉 𠃉 𠃉 𠃉 𠃉 𠃉 𠃉 𠃉 𠃉

𠃉 𠃉 𠃉 𠃉 𠃉 𠃉 𠃉 𠃉 𠃉 𠃉

𠃉 𠃉 𠃉 𠃉 𠃉 𠃉 𠃉 𠃉 𠃉 𠃉

𠃉 𠃉 𠃉 𠃉 𠃉 𠃉 𠃉 𠃉 𠃉 𠃉

𠃉 𠃉 𠃉 𠃉 𠃉 𠃉 𠃉 𠃉 𠃉 𠃉

𠃉 𠃉 𠃉 𠃉 𠃉 𠃉 𠃉 𠃉 𠃉 𠃉

𠃉 𠃉 𠃉 𠃉 𠃉 𠃉 𠃉 𠃉 𠃉 𠃉

石

中

思

志

薛尚功編鼎彝款識有此釋文五十一字附見於此

右張仲器銘四其文皆同而轉注偏旁左右或異蓋古人用字如此爾嘉祐中原父在長安獲二古器銘於藍田形制皆同有益而上下有銘甚矣古人之為慮遠也知夫物必有敝而百世之後埋沒零落幸其一在尚冀或傳爾不然何丁甯重複若此之煩也詩六月之卒章曰侯誰在矣張仲孝友蓋周宣王時人也距今實千九百餘年而二器始復出原父藏其器予錄其文蓋仲與吾二人者相期於二千年之間可謂遠矣方仲之作斯器也豈必期吾二人者哉蓋久而必有相得者物之常理爾是以君子之於道不汲汲而志常在於遠大也原甫在長安得古器數十作先秦古器記而張仲之器其銘文五十有一其可識者四十一具之如左其餘以俟博學君子 右集本

石鼓文

元第一百一

右石鼓文岐陽石鼓初不見稱於前世至唐人始盛稱之而韋應物以為周文王之鼓 一有字 宣王刻詩 一有爾字 韓退之直以為宣王之鼓在今鳳翔孔子廟中鼓有十先時散棄於野鄭餘慶置于廟而亡其一皇祐四年向傳師求於民間得之 一有十鼓二字 迺足其文可見者四百六十五 一有摩減二字 不可識者過半余所集錄文之古者莫先於此然其可疑者三四今世所有漢桓靈時碑往往尚在其距今

未及千歲大書深刻而摩滅者十猶八九此鼓按太史公年表自  
宣王共和元年至今嘉祐八年實千有九百一十四年鼓文細而  
刻淺理豈得存此其可疑者一也其字古而有法其言與雅頌同  
文而詩書所傳之外三代文章真蹟在者惟此而已然自漢以來  
博古好奇之士皆略而不道此其可疑者二也隋氏藏書最多其  
志所錄秦始皇刻石婆羅門外國書皆有而獨無石鼓遺近錄遠  
不宜如此此其可疑者三也前世傳記所載古遠奇怪之事類多  
虛誕而難信况傳記不載不知韋韓二君何據而知爲文宣之鼓  
也隋唐古今書籍麤備豈當時猶有所見而今不見之邪然退之  
好古不妄者余姑取以爲信爾至於字畫亦非史籀不能作也廬

陵歐陽某記嘉祐八年六月十日書 右真蹟

秦度量銘 元第六百六十一

右秦度量銘二按顏氏家訓隋開皇二年之推與李德林見長安  
官庫中所藏秦鐵稱權旁有鐫銘二其文正與此二銘同之推因  
言司馬遷秦始皇帝本紀書丞相隗林當依此銘作隗狀遂錄二  
銘載之家訓余之得此二銘也迺在祕閣校理文同家同蜀人自  
言嘗遊長安買得一有此字二物其上刻二銘出以示余其一乃銅鍔  
不知爲何器其上有銘循環刻之乃前一銘也其一乃銅方版可  
三四寸許所刻乃後一銘也考其文與家訓所載正同然之推所  
見是鐵稱權而同所得乃二銅器余意秦時茲二銘刻於器物者

非一也及後又於集賢校理陸經家得一銅板所刻與前一銘亦同益知其然也故并錄之云嘉祐八年七月十日書 右真蹟

秦昭和鐘銘

元第三百四十一

右秦昭和鐘銘曰秦公曰丕顯朕皇祖受天命奄有下國十有二公按史記秦本紀自非子邑秦而秦仲始為大夫卒莊公立卒襄公文公甯公出公武公德公宣公成公穆公康公共公桓公景公相次立太史公於本紀云襄公始列為諸侯於諸侯年表則以秦仲為始今據年表始秦仲則至康公為十二公此鐘為共公時作也據本紀自襄公始則至桓公為十二公而銘鐘者當為景公也故竝列之以俟博識君子治平元年二月社前一日書 右真蹟

秦祀巫咸神文

一作秦誓文  
元第四百一

右秦祀巫咸神文今流俗謂之詛楚文其言首述秦穆公與楚成王事遂及楚王熊相之罪按司馬遷史記世家自成王以後王名有熊良夫熊適熊槐熊元而無熊相據文言穆公與成王盟好而後云倍十八世之詛盟今以世家考之自成王十八世為頃襄王而頃襄王名橫不名熊相又以秦本紀與世家參較自楚平王娶婦於秦昭王時吳伐楚而秦救之其後歷楚惠簡聲悼肅五王皆寂不與秦相接而宣王熊良夫時秦始侵楚至楚懷王熊槐頃襄王熊橫當秦惠文王及昭襄王時秦楚屢相攻伐則此文所載非懷王則頃襄王也而名皆不同又以十八世數之則當是頃襄然

則相之名理不宜繆但史記或失之耳疑相傳寫為橫也 右集本

又別本 祀朝那湫文附增入

右秦祀巫咸神文今流俗謂之詛楚文者以其言楚王熊相之罪也史記世家楚自成王以後王名有熊疑熊良夫熊商熊槐熊元而無熊相詛文言穆公與成王盟好而後云倍十八世之詛盟則秦自穆公十八世為惠文王也又按秦本紀與楚世家自楚平王娶婦於秦其後累世不以兵交至宣王熊良夫時秦始侵楚及惠文王時與楚懷王熊槐屢相攻伐則秦所詛者是懷王也但史記以為熊槐者失之爾槐相二字相近蓋轉寫之誤當從詛文石刻以相為正又有祀朝那湫文其文與此同今附於後熙甯三年四月

月二十三日書

之梁山秦篆遺文 元第三百六十一

右秦篆遺文纔二十一字曰於久遠也如後嗣焉成功盛德臣去疾御史大夫臣德其文與嶧山碑泰山刻石二世詔語同而字畫皆異惟泰山為真李斯篆前此遺者或云麻溫故學士於登州海上得片木有此文豈杜甫所謂棗木傳刻肥失真者邪治平元年六月二十日書 右集本

秦嶧山刻石 元第九百五十

右秦嶧山碑者始皇帝東巡羣臣頌德之辭至二世時丞相李斯始以刻石今嶧山實無此碑而人家多有傳者各有所自來昔徐

鉉在江南以小篆馳名鄭文寶其門人也嘗受學於鉉亦見稱於一時此本文寶云是鉉所摹文寶又言嘗親至嶧山訪秦碑莫獲遂以鉉所摹刻石於長安世多傳之余家集錄別藏泰山李斯所書數十字尚存以較摹本則見真偽之相遠也治平元年六月立秋日右真蹟

秦泰山刻石

一作書李斯篆後元第一百三十一

右秦二世詔李斯篆天下之事固有出於不幸者矣苟有可以用於世者不必皆賢聖之作也蚩尤作五兵紂作漆器不以二人之惡而廢萬世之利也篆字二字一作小篆之法出於秦李斯斯之相秦焚棄典籍遂欲滅先王之法而獨以已之所作刻石而示萬世何哉

十四字一作至已之所作則為萬世不可朽之計何其愚哉按史記秦始皇帝行幸天下凡六

刻石及二世立又刻詔書於其旁今皆亡矣獨泰山頂上二世有

此詔一有僅在所二字無存數十字爾今俗傳嶧山碑者史記不載

又其字體差大六字一作其字特大不類泰山存者其本出於徐鉉六字無此

又有別本云此字無出於夏竦家者以今市人所鬻校之無異此無

一自唐封演已言嶧山碑非真而杜甫直謂棗木傳刻爾皆不足

貴也一無此余友江鄰休復謫官於奉符嘗自至泰山頂上視

秦所刻石處云石頑不可鐫鑿不知當時何以刻也然而二字一

四面皆石一有無草木而野火不及故能若此之久也一有然風雨所

剝其存者纔此數十字一無此而已本鄰幾遺余也比今俗傳嶧

山碑木特為真者爾

一無此十九字作  
休復字鄰幾五字  
一作秦二世詔

右集本

鄒嶧山刻石

右鄒嶧山秦二世刻石以泰山所刻較之字之存者頗多而摩滅尤甚其趙嬰楊樛姓名以史記者之乃微可辨其文曰大夫趙嬰五大夫楊樛皇帝曰金石刻盡始皇帝所為也今襲號而金石刻凡二十九字多於泰山存者而泰山之石又滅盛德二字其餘則同而嶧山字差小又不類泰山存者刻畫完好而附錄於此者古物難得兼資博覽耳蓋集錄成書後八年得此於青州而附之熙甯元年秋九月六日書 右真蹟

前漢谷口銅甬銘

始元四年

右漢谷口銅甬原父在長安時得之其前銘云谷口銅甬容十其下滅兩字始元四年左馮翊造其後銘云谷口銅甬容十斗重四斤十斤甘露元年十月計掾章平左馮翊府下滅一字原父以今權量校之容三斗重十五斤始元甘露皆宣帝年號也一有余所集錄千卷前漢時文字惟此與林華行鐙蓮勺博山鑪盤銘爾治平元年六月九日書 右真蹟

前漢二器銘

林華宮行鐙一蓮勺宮博山鑪一  
五鳳二年元第八百一十一

劉原父帖

近又獲一銅器刻其側云林華觀行鐙重一斤十四兩五鳳二年造第一今附墨本上呈

右林華宮行鐙銘一蓮勺宮銅博山鑪下槃銘一皆漢五鳳中造  
 林華宮漢書不載宣帝本紀云困於蓮勺鹵中注云縣也亦不云  
 有宮蓋秦漢離宮別館不可勝數非因事見之則史家不能備載  
 也余所集錄古文自周穆王以來莫不有之而獨無前漢時字求  
 之久而不獲每以為恨嘉祐中友人劉原甫出為永興守長安秦  
 漢故都多古物奇器埋沒於荒基敗冢往往為耕夫牧豎得之遂  
 復傳於人間而原甫又雅喜藏古器由此所獲頗多而以余方集  
 古文故每以其銘刻為遺既獲此二銘其後又得谷口銅甬銘乃  
 甘露中造由是始有前漢時字以足余之所闕而大償其素願焉  
 余所集錄既博而為日滋久求之亦勞得於人者頗多而最後成

余志者原甫也故特誌之嘉祐八年歲在癸卯七月二十日書右  
 真蹟

前漢鴈足鐙銘黃龍元年 元第八百十一 此跋本與漢二器銘銅甬銘共為一卷

上林榮宮銅鴈足鐙下有槃

上林榮宮銅鴈足鐙下有槃

并重八斤黃龍元年民工李

雙重八斤黃龍元年民工李

常造弟四

榮造弟四

弟二



裴如晦帖

煜頃嘗謂周秦東漢往往有銘傳於世間獨西漢無有王原叔言華州片瓦有元米字急使人購得之乃好事者所為非漢字也侍坐語及公亦謂家集所闕西漢字耳煜守丹陽日蘇氏者出古物有銅鴈足鐙制作精巧因辨其刻則黃龍元年所造其言榮宮二史間未始概見遂摹之欲寄左右以為集古錄之一事會悲苦不果昨偶開篋見之謹以上獻亦聞原甫於秦中得

西漢數器不知文字與此類否煜再拜

治平元年十月十四日

後三年余出守亳社而裴如晦以疾卒於京師明年原甫卒於南都二人皆年壯氣盛相次以歿而余獨歸然而存也熙甯壬子四月右真蹟

後漢袁良碑

永建六年元第七百七十一

右漢袁良碑云君諱良字卿卿上一字摩滅陳國扶樂人也厥先舜苗世為封君周興虞闕父自此而滅又云滿為陳侯至元孫濤塗以字立姓曰袁自此又滅又云當秦之亂隱居河洛高祖破項實從其冊天下既定還宅扶樂蓋不知為何人也又云孝武征和三年曾孫斬賊先勇拜黃門郎曾孫滅其名賊下亦一作滅一字

又曰封關內侯食遺鄉六百戶薨子經嗣經薨子山嗣傳國三世  
至王莽而絕君卽山之曾孫也舉孝廉郎中謁者將作大匠丞相  
令廣陵太守討江賊張路等威震徐方謝病歸家孝順初初下數  
字滅又云府舉君拜議郎符節令其後又云永建六年二月卒其  
碑首題云漢故國三老袁君碑而碑文有使者持節安車又有几  
杖之尊袒割之養君實饗之之語以此知良嘗爲三老矣其餘摩  
滅雖時時可讀而不能次第也又云帝御九龍殿引對飲宴九龍  
殿名惟見於此治平元年五月二十九日夏至假書 右真蹟

後漢張平子墓銘

永和四年元第三十

右漢張平子墓銘世傳崔子玉撰并書按范煜漢書張衡傳贊云

崔子玉謂衡數術窮天地制作侔造化此銘有之

四字一作今則銘有此語

真子玉作也其刻石爲二本一在南陽一在向城天聖中有右班

殿直趙球者知南陽縣事因治縣署毀馬臺得一石有文驗之迺

斯銘也遂龕於廳事之壁其文至凡百君子而止其後

半有亡矣

其在向城者今尚書屯田員外郎謝景初得其半於向城之野自

凡百君子已上則亡矣

三字一作其前半亡矣

今以二本相補續其文遂復

完而闕其最後四字然則昔人爲二本者不爲無意矣據徐方回

所記二十一字迺趙球所得南陽石之亡者

二十一字一作唐寶應中有徐方回者別

得二十一字云是銘最後文疑

今不復見則又亡矣惜哉嘉祐八

年歲在癸卯十月十八日書

右真蹟

後漢北海相景君銘

漢安二年元第六百二十六

右漢北海相景君銘其碑首題云漢故益州太守北海相景君銘其餘文字雖往往可讀而漫滅多不成文故君之名氏邑里官闕皆不可考一作見其可見者云惟漢安二年北海相任城府君卒城下一字不可識當為景也漢功臣景丹封櫟陽侯傳子尚尚傳子苞苞傳子臨以無嗣絕安帝永初中鄧太后詔封苞弟濂為監亭侯以續丹後自是而後史不復書而他景氏亦無顯者漢安順帝年號也君卒於順帝時蓋與濂同時人也碑銘有云不永麋壽余家集錄三代古器銘有云眉壽者皆為麋蓋古字簡少通用至漢猶然也治平元年四月二十九日書 右真蹟

後漢費鳳碑

漢安二年元第九百九十一

右漢費鳳碑云集本有君諱鳳三字字伯蕭梁相之元子也漢安二年舉孝廉拜郎中除陳國新平長又云試守故障長其文班班可見而卒

葬年壽皆不載其後悉為五言韻語其略曰不悟集本作語奄忽中藏

形而匿景耕夫釋耒耜桑女投鉤筮道阻而且長起坐淚如雨其

文既非工故不悉錄八字集本作文字干拙古今熙甯二年十一月十六日山齋書 右真蹟

後漢孔宙碑陰題名

歲月闕元第八百六十一

右漢孔宙碑陰題名漢世公卿多自教授聚徒常數百人其親授業者為弟子轉相傳授者為門生今宙碑殘缺其姓名邑里僅可

見者纔六十二人其稱弟子者十人門生者四十三人故吏者八人故民者一人宙孔子十九世孫爲泰山都尉自有錄治平元年閏五月二十一日書右真蹟

後漢劉曜碑

一有并陰二字元第五百十一

歲月闕

右漢劉曜碑在今鄆州界中文字摩滅僅有存者云諱曜字季尼年七十三其餘爵里官闕卒葬歲月皆不可見字爲漢隸亦不甚工惟其銘云天臨大漢錫以明哲碑首題云漢故光祿勳東平無鹽劉府君之碑以此知爲漢碑也治平元年四月一日書右真蹟

後漢衡方碑

建甯二年元第九百二十一

右漢衡方碑云府君諱方字興祖其先伊尹在殷號稱阿衡因而

氏焉又曰州舉孝廉除郎中卽邱侯相膠東令州舉尤異遷會稽東部都尉又拜議郎北平太守遷潁川太守又曰拜步兵校尉年六十有三建甯元年二月五日癸丑卒於是海內門生故吏采嘉石樹靈碑鐫茂伐祕將來此其始終之大略其餘歷歷可見而時亦摩滅以其文多不備錄也治平元年六月三日書右真蹟

後漢謁者景君碑


歲月闕元第九百七十一

右漢景君碑尤摩滅惟謁者任城景君數字尚完其餘班班可見者皆不能成文故其年世壽考功行卒葬莫可考也蓋漢隸今尤難得其摩滅之餘可惜爾右集本

後漢景君石郭銘

歲月闕元附九百七十一

右景君石郭銘者余既得前景君碑又得此銘皆在任城不知一  
景君乎將任城景氏之族多邪文字摩滅不可考故附於此熙甯  
三年正月朔旦山齋記 右真蹟



歐陽廬陵集卷一百三十五

集古錄跋尾

後漢沛相楊君碑

建甯元年  
元第十一

右漢沛相楊君碑在閩鄉楊震墓側碑首尾不完失其名字按後  
漢書震及中子秉秉子賜賜子彪皆有傳又云震長子牧富波相  
牧孫奇侍中奇子亮陽成亭侯又云少子奉奉子敷敷子眾務亭  
侯又有彪彪子修楊氏子孫載于史傳者止此爾不知沛相爲何  
人也碑云孝順皇帝西巡以掾史召見拜郎中遷常山長史換犍  
爲府丞宰司累辟應于司徒州察茂才遷銅陽侯相後拜議郎五  
官中郎將沛相年五十六建甯元年六月癸丑遘疾而卒其終始

尚可見而惜其名字亡矣治平元年六月十日書 右真蹟

又別本 增入

右漢楊君碑者其名字皆已摩滅惟其銘云明明楊君其姓尚可  
見爾其官闕始卒則粗可考云孝順皇帝西巡以掾史召見帝嘉  
其忠臣之苗器其璵璠之質詔拜郎中遷常山長史換犍為府丞  
非其好也迺翻然輕舉宰司累辟應於司徒州察茂才遷銅陽侯  
相金城太守南蠻蠡迪王師出征拜車騎將軍從事軍還策勲復  
以疾辭後拜議郎五官中郎將沛相年五十六建甯元年五月癸  
丑遘疾而卒其終始頗可詳見而獨其名字泯滅為可惜也是故  
余嘗以謂君子之垂乎不朽者顧其道如何耳不託於事物而傳  
也顏子窮臥陋巷亦何施於事物邪而名光後世物莫堅於金石  
蓋有時而敝也治平元年閏五月二十八日書

後漢郭先生碑

歲月闕  
元第五十一

右漢郭先生碑云諱輔字輔成其先出於王季之中子為文王卿  
士食菜於號後世謂之郭歷戰國秦漢子孫流分來居荆土先生  
其少也孝友而悅學其長也寬舒如好施是以宗親歸懷鄉鄙高  
尚年五十有二遇疾而終其以而為如及用鄉鄙字與婁壽碑同  
蓋漢人如此爾治平元年六月二十日書 右真蹟

又別本

右不見書撰人名氏碑在襄州穀城縣界中其辭云先生諱輔字

輔成其先出自有周王季之中子爲文王卿士食菜於號至於武  
王錫而封之後世謂之郭春秋之時爲晉所并歷戰國秦漢子孫  
派分來居荆土氏國立姓焉傳云聖賢之後必有達者先生應焉  
孝友而說學其長也寬舒如好施是以宗親歸懷鄉鄙高尚年五  
十有二遇疾而終其文字古質蓋漢之碑也其用鄉鄙字與漢婁  
壽碑同其曰寬舒如好施蓋以如字爲而也春秋書星隕如雨釋  
者曰如而也然施於文章以如爲而始見於此也 右集本

後漢費府君碑

歲月闕  
元第七百一十一

右漢梁相費府君碑其名字若云諱況字仲慮而況疑爲汎慮疑  
爲寬其官闕可見者爲蕭令九年沛有蝗獨不入其界國以狀聞  
朝廷嘉諸拜梁相春秋八十卒其銘頗簡而文字粗冗云歟歟顯  
祖厥德懿鑠播勳於前丕碩基業遺愛於民福流後胙自此摩滅  
不可識者八字其卒章云功烈休矣來昆戮力而穆字爲歟古文  
多然 右集本

後漢俞鄉侯季子碑

歲月闕  
元第九百三十

右漢俞鄉侯季子碑云君諱熊字孟下闕一字廣陵海西人也厥  
祖天皇大帝垂精接感篤生聖明子孫享之分源而流枝葉扶疎  
出王別允受爵列土封侯載德君光武皇帝之元廣陵王之孫俞  
鄉侯之季子也由是而後文字缺滅其稍稍可讀者時得其一二  
云六籍五典如源如泉旣練州郡卷舒委隨化流南城政猶北辰

三祀有成來臻我邦仁恩如冬日威猛烈夏日一作炎夏吏民愛若慈

父畏如神明其後又云採摭謠言作詩三章據碑文無卒葬年月

而其辭若此似是德政碑按後漢書光武皇帝子曰廣陵思王荆

荆子元壽等四人皆封鄉侯史畧而不載其名俞鄉侯者不知為

誰也思王荆之第幾子也天皇大帝之語自漢以來有矣治平元

年六月五日書 右集本

後漢武榮碑 歲月闕 元第五百三十

右漢武榮碑云君諱榮字舍集本和治魯詩經韋君章句孝經論

語漢書史記左氏國語為州書佐郡曹史集本作文學主簿督郵五官

掾功曹年三十六南蔡府君察舉孝廉執金吾丞孝桓大憂屯守

元武闕如遇害氣遭疾殞靈其餘文字殘缺不見其卒葬年月又

不著氏族所出惟其碑首題云漢故執金吾丞武君之碑云治平

元年五月六日書 右真蹟

後漢楊震碑 歲月闕 元第九十一

右漢楊震碑首題云漢故太尉楊公神道碑銘文字殘缺首尾不

完其可見而僅成文者云聖漢龍興神祇降祉乃生於公又云窮

神知變與聖同符鴻漸衡一作子門羣英雲集又云貽我三魚以章

懿德又云大將軍辟舉茂材除襄城令遷荊州刺史東萊涿郡太

守又云司徒太尉立朝正色恪勤竭忠其餘字存者多而不復成

文矣治平元年六月十日書 右真蹟



後漢楊震碑陰題名

元第八百七十一  
真蹟

右漢楊震碑陰題名者一百九十人其餘摩滅不完者又十餘人  
余家所錄漢碑陰題名頗多或稱故吏門生弟子或稱從事曹掾  
之類其人皆著州縣邑里名字甚詳獨此碑所書簡畧直云河間  
賈伯錡博陵劉顯祖之類凡百九十人者皆然疑其所書皆是字  
爾蓋後漢時人見於史傳者未嘗有名兩字者也漢隸世所難得  
幸而在者多殘滅不完獨此碑刻畫完具而隸法尤精妙甚可喜  
也治平元年中伏日書

後漢碑陰題名

歲月闕  
元第八百

右漢碑陰題名不知為何人碑余家集錄古文既多或失其所得  
之自然漢碑存於今者惟華嶽與孔子廟最多其陰徃徃列修廟  
人姓名并記其所出錢數不過三百至五百今斯碑所題文字缺  
滅而中間有錢各五百四字則似是修廟人所記其人可見者有  
濟陰定陶蔡顛子盛山陽金鄉張諤季德河南宛陵趙堂世萇南  
陽南鄉鄧升升遠濟陰成武周鳳季節而其餘人姓名邑里多不  
完又時時有故吏字不知為何人祠廟第以漢隸難得錄之爾治  
平元年閏五月八日書 右真蹟

又碑陰題名

歲月闕  
元無卷第

右漢碑陰題名不知為何碑之陰蓋余家集錄既多而或失其所  
得之處又其文字摩滅莫可考究惟有錢各五百四字似是漢時

修廟人爾漢碑今在者惟華嶽與孔子廟中最多其碑陰題名者  
往往各書所出錢數不過三百五百也而此碑所列邑里姓名字  
完可見者尚十餘人然皆是濟陰山陽彭城汝南陳留人則疑為  
修孔子廟人也今列於後覽者可以察焉濟陰定陶蔡顥子盛濟  
陰張翔季審陳畱酸棗季真顯節山陽金鄉張諺季德河南宛陵  
趙堂世萇南陽南鄉鄧升升遠濟陰成武周鳳季節山陽昌邑田  
允元尊濟陰成武史楞世明彭城朱翔元舉 右真蹟

又碑陰題名 歲月闕 元第八百三十一

右漢碑陰題名二皆不知為何碑陰其人各記所出錢數似是漢  
時修廟人題名余家集錄華嶽及孔子廟碑多如此此亦疑是二  
廟中碑前碑殘滅尤甚第時有門生濟南東郡等字而姓名無復  
完者碑後則有議曹功曹騎吏有蓮勺左鄉有秩池陽左鄉有秩  
池陽集丞有秩皆不知是何名號又有闕一字陽候長祔候長  
則是縣吏之名其隸字不甚精又無事實可考姑錄其名號以俟  
知者爾治平元年閏五月九日書 右集本

後漢公昉碑 一作仙人唐君碑 歲月闕

右漢公昉碑者乃漢中太守南陽郭芝為公昉修廟記也漢碑今  
在者類多摩滅而此記文字僅存可讀所謂公昉者初不載其姓  
名但云君字公昉爾又云耆老相傳以為王莽居攝二年君為郡  
吏啖瓜旁有真人 居一有字 左右莫察君獨進美瓜又從而敬禮之真

人者遂與期谷口山上乃與君神藥曰服藥以後當移意萬里知  
鳥獸言語是時府君去家七百餘里休謁往來轉景卽至闔郡驚  
焉白之府君君一無徙一作爲御史吏一作鼠齧被具君乃畫地爲獄  
召鼠誅之視其腹中果有被具府君欲從學道頃無所進府君怒  
勅尉部吏收公昉妻子公昉呼其師告以厄其師以藥飲公昉妻  
子曰可去矣妻子戀家不忍去於是乃以藥塗屋柱飲牛馬六畜  
須臾有大風雲來迎公昉妻子屋宅六畜倏然與之俱去其說如  
此可以爲怪妄矣嗚呼自聖人歿而異端起戰國秦漢以來一作際  
奇辭怪說紛然爭出不可勝數久而佛之徒來自西夷老之徒起  
於中國而二患交攻爲吾儒者往往牽而從之其卓然不惑者僅  
能自守而已欲排其說而黜之常患乎力不足也如公昉之事以  
語愚人豎子皆知其妄矣不待有力而後能破其惑也然彼漢人  
乃刻之金石以傳後世其意惟恐後世之不信然後世之人未必  
不從而惑也治平元年四月二十三日以早開宮寺祈雨五日中  
一日休務假書右真蹟

後漢人關銘

歲月未詳

元第七百八十一

右漢人關銘二其一曰求樂少府賈君闕其一曰雒陽令王君闕

二者皆不知爲何人按漢書桓帝母孝崇匱皇后居求樂宮和平

元年詔置太僕少府如長樂故事又按顏師古注地里志曰魚豢

真蹟誤作券云漢火行忌水故去洛水加佳師古謂光武以後始改爲

雖然則二人者皆後漢時人也又按漢官儀長樂少府以宦者為之則賈君者蓋亦宦者也治平元年九月十五日書右真蹟

後漢武班碑建和元年第五百五十一

右漢班碑者蓋其字畫殘滅不復成文其氏族州里官闕卒葬皆不可見其僅見者曰君諱班爾其首書云建元年太歲在丁亥而建下一字不可識以漢書考之後漢自光武至獻帝以建名元者七謂建武建初建光建康建和建甯建安也以歷推之歲在丁亥乃章帝章和元年後六十一年桓帝即位之明年改本初二年為建和元年又歲在丁亥則此碑所缺一字當為和字真蹟無建和元年也碑文缺滅者十八九惟亡者多而存者少尤為可惜也故

錄之治平元年四月二十日書右集本

後得別本摹搨粗明始辨其一二云武君諱班乃易去前本熙甯二年九月朔日記

後漢中常侍費亭侯曹騰碑建和元年第一百七十一

右漢中常侍費亭侯曹騰碑文字摩滅其粗可見者云維建和元年七月二十二日己巳皇帝若曰其遺費亭侯之國其餘不可識也建和桓帝即位之元年也後三十七年獻帝中平元年騰養子操始為騎都尉集本有領兵二字擊黃巾矣治平元年六月十日書右真蹟

後漢司隸楊君碑建和二年第六百九十一

右漢司隸校尉楊厥碑云惟以靈定位川澤攸同澤有所注川有

所通余谷之川其澤南隆八方所達益城爲充高祖受命興於漢  
中道由子午出散入秦建定帝位以漢詆焉後以子午塗路澀難  
更隨圍谷復通堂光凡此四道堦高允艱至於永平其有四年詔  
書開余鑿通石門中遭元二西夷虐殘橋梁斷絕子谷復循於是  
故司隸校尉犍爲武陽楊厥字孟文深執忠伉數上奏請廢子由  
斯得其度經至建和二年漢中太守王升字稚紀嘉君明知美其  
仁賢勒石頌德以明厥勲其辭大畧如此其刻畫尚完可讀大抵  
述厥修復斜谷路爾但其用字簡省復多舛繆惟以爲坤以余  
爲斜漢人皆爾獨詆字未詳永平明帝建和桓帝年號也右集本

後漢張公廟碑

和平元年  
第八百六十一

右漢張公廟碑在黎陽而碑無題首又其文字殘滅不可考究莫  
知爲何碑第時時得其字之可識而僅成文者曰惟和平元年正  
月丙寅和平桓帝年號以此知爲漢碑也又曰豐碑廟堂之前又  
曰於穆張公則又知爲張公廟碑矣又曰國無災祲屢獲豐年作  
歌九章頌公德芳其辭有云公與守相駕蜚魚往來倏忽遠熹娛  
祐此兆民甯厥居其餘字畫尚完者甚多但不成文爾治平元年  
閏五月九日書是日奏事垂拱退召赴延和閱謝契丹禮物遂歸  
休右真蹟

後漢魯相置孔子廟卒史碑

元嘉二年  
第三百九十一

右漢魯相置孔子廟卒史碑云司徒臣雄司空臣戒稽首言魯前

相瑛書言詔書崇聖道孔子作春秋制孝經演易繫辭經緯天地  
故特立廟褒成侯四時來祠事已卽去廟有禮器無常人掌領請  
置百石卒史一人典主守廟謹問太常祠曹掾馮牟史郭元辭對  
故事辟雍祠先聖太宰太祝各一人備爵太常丞監祠河南尹給  
牛羊豕大司農給米臣愚以爲如瑛言可許臣雄臣戒愚贛誠惶  
誠恐頓首頓首死罪死罪臣稽首以聞制曰可按漢書元嘉元年  
吳雄爲司徒二年趙戒爲司空卽此云臣雄臣戒是也魯相瑛者  
據碑言姓乙字仲卿漢碑在者多摩滅此幸完可讀錄之以見漢  
制三公奏事如此與羣臣上尚書者小異也又見漢祠孔子其禮  
如此治平元年六月二十日書 右真蹟

後漢孔德讓碑

一作碑元第八百五十一

永興二年

右漢孔德讓碑蓋其名已摩滅但云字德讓者宣尼公二十世孫  
都尉君之子也仕歷郡諸曹史年二十永興二年七月遭疾不祿  
碑在今兗州孔子墓林中永興孝桓帝年號也 一有都尉者其人  
二字一作德讓 二字早卒無事蹟可考余集錄所藏 一有獨孔林中漢 一無此字碑  
最後得此遂無遺者蓋以其文字簡少無事實故世人遺而不取

獨余家有之也治平元年閏正月二十日書

右真蹟

後漢修孔子廟器碑

一作表元第三百五十一

永壽二年

右漢朝

一有

韓明府修孔子廟器碑云永壽二年青龍

二字一

在涪

灘霜月之靈皇極之日永壽桓帝年號也按爾雅云歲在申曰涪

灘桓帝永興三年正月戊申大赦改元永壽明年一有歲次二字丙申曰歲在涖灘是矣云霜月之靈皇極之日莫曉其義疑是九月五日  
前漢文章之盛庶幾三代之純深自建武以後頓爾衰薄崔蔡之徒擅名當世然其筆力辭氣非出自然與夫揚馬之言醇醜異味矣及其末也不勝其弊霜月皇極是何等語韓明府者名勅字叔節前世見於史傳未有名勅者豈自余學之不博乎春秋左氏傳載古人命名之說不以爲名者頗多故以勅爲名者少也治平元年二月晦日書 右真蹟

後漢樊常侍碑

永壽四年元第一百四十二

右漢樊常侍碑云君諱安字子佑南陽湖陽人也君幼學治韓詩論語考經歷中黃門拜小黃門小黃門右史遷藏府令中常侍年五十有六永壽四年四石本作二月甲辰卒其先爲中黃門後爲小黃門又爲小黃門右史蓋漢官之制今不詳其次序也余少家漢東天聖四年舉進士赴尚書禮部道出湖陽一本作間見此碑立道左下馬讀之徘徊碑下者久之後三十年始得而入集錄蓋初不見錄於世自予集錄古文時人稍稍知爲可貴自此古碑漸見收采也嘉祐八年十月十四日書 右集本

後漢孫叔敖碑

延熹三年元第二十八十一

右漢孫叔敖碑云名饒字叔敖而史記不著其名而見於他書者亦皆曰叔敖而已微斯碑後世遂不復知其名饒也此碑世亦罕

傳余以集錄二十年間求之博且勤乃得之然則世之未見此碑者猶不知為名饒也謂余集古為無益可乎右真蹟

後漢泰山都尉孔君碑

延熹四年元第三百八十一

右漢泰山都尉孔君碑云君諱宙字季將

作二字一秀特孔子十九世之

孫也年六十一延熹四年正月乙未以疾卒

家二字其序官闕甚

簡又或殘滅不完但見其舉孝廉為郎遷元城令遂為泰山都尉

爾其辭有云躬忠恕以及人兼禹湯之罪已宙人臣而引禹湯以

為比在今人於文為不類蓋漢世近古簡質猶如此也治平元年

閏五月二十一日書

右真蹟

後漢西嶽華山廟碑

延熹四年元第三百八十一

右漢西嶽華山廟碑文字尚完可讀其述自漢以來云高祖初興

改秦淫祀太宗承循各詔有司其山川在諸侯者以時祠之孝武

皇帝修封禪之禮巡省五嶽立宮其下宮曰集靈宮殿曰存僊殿

門曰望僊門中宗之世使者持節歲一禱而三祠後不承前至於

亡新寢用邱虛建武之元事舉其中禮從其省但使二千石歲時

往祠自是以來百有餘年所立碑石文字摩滅延禧四年宏農太

守袁逢脩廢起頓易碑飾闕會遷京兆尹孫府君到欽若嘉業遵

而成之孫府君諱璆其大畧如此所謂集靈宮者他書皆不見惟

見此碑爾字有則余之集錄不為無益矣

十字無此

治平元年閏五月

十六日書右真蹟



後漢朔方太守碑陰

延熹四年元附一百二十一

右漢朔方太守碑陰題名

此字無

云永壽二年朔方太守上郡仇君

察察下滅一字除郎中大曲長大下又滅一字延熹四年九月乙

酉詔書遷衙令五年正月到官奉見明府見下又滅一字立祠刊

石表章大聖之遺靈永示來世之未

一作未

未下又滅一字謹出錢

千千下又滅兩字者下行因紀姓名

七字無

據此乃當時修廟出錢

人爾今其姓名徃徃可見云衙鄉三老時勤伯秋上官鳳季方錄

事史楊禹孟布衙主記掾楊綬子長門下功曹裴篤伯安倉曹掾

任就子優又有集曹掾軍君

一作假

司馬之類名字多不完其所出

錢不過三百至五百蓋漢世物輕幣重今華嶽孔子廟碑陰所列

亦皆如此其所立祠蓋不知爲何廟也治平元年夏至日書蹟

後漢王元賞碑

延熹四年元第六百四十一

右漢王元賞碑云君諱某字元賞御史君之孫茂才君之子也歷

秦及漢有國有家宰相牧守踵武相襲又曰遭父喪以孝立稱土

堦環堵兼業並受門徒雨集盛於洙泗又曰郡察孝廉郎中謁者

宛陵丞封邱令母憂去官服祥辟司空府延熹四年五月辛酉遭

命而終其文字摩滅隱隱可見者如此其名旣亡又不序其姓惟

其銘云於惟王君以此知其姓王爾治平元年五月二日書

後漢郎中鄭固

宣

作碑

延熹年間元第五百四十二

集本

右漢郎中鄭固碑文字摩滅其官闕卒葬年月皆莫可考其僅可

見者云君諱固字伯堅孝友著於閨門至行立乎鄉黨初授業於歐陽住郡諸曹掾史主簿督郵五官掾功曹又曰忠以衛上清以自修其餘殘缺不復成文又云延熹元年二月詔拜而不見其官惟其碑首題云漢故郎中鄭君之碑以此知其官至郎中爾漢隸刻石存於今者少惟余以集錄之勤所得為獨多然類多殘缺作減不完蓋其難得而可喜者其零落之餘尤為可惜也延熹元年二月之下  
一本云詔拜郎中非其好也  
以疾錮辭年四十二遭命殞身而中  
間又有遂遁退讓之語遁當作循錮當作固疑漢人用字多假借  
又疑以疾錮辭謂疾已堅固若云以疾篤  
辭覽者詳之未有治平元年四月十二書

後漢田君碑延熹四年間第四百五十一

右漢田君碑今在沂州其名字皆已摩滅惟云其先出自帝舜之苗裔自完適齊因以為氏乃知為姓田爾又云周秦之際家於東平陽君總角修韓詩京氏易真蹟作京氏究洞神變窮奧極微為五官掾功曹州從事辟太尉延熹二年辛亥詔書泰山瑯邪盜賊未息州郡吏有仁惠公清撥煩整化者試守滿歲為真州言名時牧劉君知君宿操表上試守費自此以後殘缺不可次第而隱隱可見蓋無年壽卒葬月日而有故吏薛咸等立石勒銘之語乃費縣令長德政去思碑爾治平元年六月二十九日書右真蹟

後漢桐柏廟碑延熹六年元第一百九十一

右漢桐柏廟碑摩滅雖不甚而文字斷續粗可考次蓋南陽太守修廟碑也其辭云延熹六年正月乙酉南陽太守中山盧奴口苑

作張君奴下正闕一字當是其姓又云尊神敬祀立廟桐柏春秋

宗崇一作宗奉災異告變水旱請求位比諸侯聖漢所尊一作宗太守奉

祀二十餘年不復身至遣承行事簡畧不敬明神弗歆災害以生

五嶽四瀆與天合德仲尼慎祭常若神在君準則大聖親之桐柏

來見廟祠崎嶇逼狹開拓神門立闕四望一作達增廣壇場又云執

玉以沈為民祈福靈祇報祐天地清和其大意止於如此其後有

頌亦可讀第不見太守姓名爾然不著他事惟修廟祀神爾桐柏

淮瀆廟也治平元年六月十三日書右真蹟

後漢祝睦碑延熹七年元第三百十一

右漢祝睦碑云君諱睦字元其下遂缺滅不能成文惟其官壽年

月可見云賓于王庭除北海長史潁川郡令辟司空府北軍中候

拜大尚書尚書僕射遷常山相山陽太守年六十有八延熹七年

八月丁巳卒睦有二碑皆在今南京虞城縣此碑不見世次而隱

隱有云其先高辛爾其後碑則頗完故錄于次也治平元年六月

立秋日書右真蹟

後漢祝睦後碑元第三百二十二

右漢祝睦後碑其前碑不知所立人名氏兩碑所載官闕壽考年

月悉同而此碑有立碑人名氏及睦世次云故吏王堂等竊聞下

有述上之功臣有叙君之德又曰君兆自黎辛祝融苗胄鄭有祝

完云穆我君邦之陽資五就闔道網網下滅一字表微準樞衡稽  
列宿覽四方德合乾道應皇領二郡曜重光化流洽緄幽昌性天  
約元用長頌聲作謠令香功烈著遺椒芳存覲榮淪弗忘其後二  
句摩滅難詳故錄其成文以見其雅質亦可佳也治平元年六月  
立秋日書 右真蹟

後漢老子銘


延熹八年  
元第九百六十一

右漢老子銘按桓帝本紀云延熹八年正月遣中常侍左悺之苦  
縣祠老子至十一月又遣中常侍管霸祠之而此碑云八月夢見  
老子而祠之世言碑銘蔡邕作今檢邕集無此文皆不可知也右真蹟

後漢堯祠祈雨碑

延熹十年  
元第九百六十一

右漢堯祠祈雨碑首尾殘滅其僅可識者有云股肱賢良廣祈多  
福虔虔夙夜又云常以甲子日詔太常陳上古之禮舞先王之樂  
又云延熹十年仲春二月陽氣侵陰又云享祀羣神仰瞻雲漢又  
曰嘉澍優霑利茂萬物又云孟府君知堯精靈與天通神修治大  
殿以此知爲祈雨於堯祠也堯祠在漢濟陰郡孟府君者當時濟  
陰郡太守也其餘隸字完者頗多亦徃徃成句但斷續不可次序  
爾治平元年六月六日書 右集本



歐陽廬陵集卷一百三十六

集古錄跋尾

後漢冀州從事張表碑

建甯元年  
元第四百十一

右漢冀州從事張表碑去君諱表字元異其碑首題云漢故冀州從事張君碑而文為韻語叙其官闕不甚詳但云春秋六十四以

建甯元年三月癸巳寢疾而終其辭有云仕郡為督郵鷹撮盧擊

是以狗喻人也集本有又有畔桓利正之語蓋漢人猶質不嫌取類

於鷹犬畔桓疑是盤桓集本有漢文字簡少假借爾治平元年六

月二十九日書右真蹟

後漢竹邑侯相張壽碑

建甯元年  
元第六百七十一

右漢竹邑侯相張壽碑云君諱壽字仲吾其先晉大夫張老盛德之裔孝友恭懿明允篤信博物多識獵畧一作涉傳記臨疑獨照確

然不撓有孔甫之風舉孝廉除郎中給事謁者遷竹邑侯相年八十建甯元年五月辛酉卒其大略可見者如此其餘殘缺或在或亡亦班班可讀爾治平元年端午日書右集本

後漢金鄉守長侯君碑建甯二年元第四百三十一

右漢金鄉守長侯君碑云君諱成字伯盛山陽防東人也其先出自幽岐周文之後封于鄭鄭共仲賜氏曰侯厥裔宣多以功佐國漢之興也侯公納策濟太上皇於鴻溝之阨諡曰安國君曾孫酺

封明統侯光武中興元孫霸為臨淮太守轉拜執法右刺姦五威司命大司徒公封於陵侯枝葉繁茂或家河洧或邑山濟君即上黨太守之弟郡請署主簿督郵五官掾功曹守金鄉長建甯二年

四月癸酉卒年八十一碑文首尾皆完故得詳其世次其云上黨太守不見其名按漢書執法左右刺姦五威司命皆王莽官名侯霸列傳云霸莽時為隨令遷執法刺姦而未嘗為五威司命後事

光武代伏湛為大司徒封關內侯既薨光武下詔追封則鄉侯而此碑言封於陵侯未知孰是據碑言刺姦司命為光武時官蓋碑文之謬矣治平元年四月二十九日書右真蹟

後漢魯相晨孔子廟碑建甯二年元第四百七十一

右漢魯相上尚書章其畧云建甯二年三月癸卯朔七日巳酉魯

相臣晨長史臣謙頓首死罪上尚書臣晨頓首頓首死罪死罪臣  
以元年到官行秋饗飲酒泮宮復禮孔子宅而無公出酒脯之祠  
臣輒依社稷出王家穀春秋行禮建甯靈帝年號也於此見漢制  
天子之尊其辭稱頓首死罪而不敢斥至尊因尚書以致達而已  
余家集錄漢碑頗多亦有奏章惠其摩滅獨斯碑首尾完備可見  
當時之制也又云孔子乾坤所挺西狩獲麟爲漢制作故孝經援  
神契曰立丘制命帝卯行又尚書考靈耀曰邱生蒼際觸期稽度  
爲赤制讖緯不經不待論而可知甚矣漢儒之狡陋也孔子作春  
秋豈區區爲漢而已哉治平元年三月二十五日書 右真蹟

後漢孔君碑

建甯四年  
元第七百一

右漢孔君碑其名字摩滅不可見而世次官閥粗可考云孔子十  
九代孫潁川君之元子也舉孝廉除郎中博昌長遭太守君憂服  
竟拜尚書侍郎治書御史博陵太守遷下邳相河東太守建甯四  
年十月卒其餘文字歷歷可讀以其斷絕處多文理難續故不復  
盡錄然其終始畧可見矣惟其名字皆亡爲可惜也治平元年五

月十日書 右真蹟

後漢慎令劉君墓碑

建甯四年  
元第七百五十一

右漢慎令劉君墓碑在今南京下邑其名已摩滅其字伯麟少罹  
艱苦身服田畝舉孝廉除郎中辟從事司徒掾遷慎令卒年六十  
有二其銘曰於惟君德忠孝正直至行通洞高明柔克鬼神福謙

受茲介福知命不延引輿旋歸忽然輕舉志激拔葵人皆有亡貴  
終譽兮歿而不朽垂名著兮余家漢碑常患其銘多缺滅而斯銘  
偶完故錄之右真蹟

後漢北軍中侯

隸釋作中侯

郭君碑

建甯四年元第四百三十一

右漢北軍中侯郭君碑其名字摩滅云元城君第四子也其先蓋  
周之曹緒枝葉雲布列於州郡自東郡衛國家於河內汲兄竹邑  
侯相次尚書侍郎次濟北相順弟臨沂長次徐州刺史次中山相  
次雒陽令君為五官掾功曹司隸中都官從事三辟將軍府舉廉  
比陽長復辟司徒拜北軍中侯年六十有六建甯四年九月丙子  
卒其於兄竹邑侯相上一字缺滅不完疑是惠字其下又云順弟  
莫曉其義豈漢人謂兄弟為此語邪故闕其疑以俟知者治平元  
年六月二十九日書右真蹟

後漢析里橋郝閣頌

建甯五年元第九百八十一

右漢析里橋郝閣頌建甯五年立云惟斯析里處漢之右溪源漂  
疾橫注于道涉秋霖漉稽滯商旅休謁往還常失日晷行理咨嗟  
郡縣所苦斯溪既然郝閣尤甚臨深長淵三百餘丈接水相連號  
為萬柱遭遇隕納人物俱墮一作沈沒洪淵酷烈為禍於是太守  
阿陽李君諱會字伯都以建甯三年二月辛巳到官思惟惠利有  
以綏濟聞此為難其日久矣乃俾府掾仇審改解危殆即便求隱  
析里大橋於爾乃造又驛散關之嶮潔徙朝陽之平慘一作滅



滅西口口字關二高閣就安甯之石道禹導江河以靖四海經紀厥

績艾康萬里乃作頌曰頌後又有詩皆摩滅不完其云遭遇隕納

又云驛散關之嶮深徙朝陽之平慘刻畫完好非其訛繆而莫詳

其義疑當時人語與今異又疑漢人用字簡畧假借不同爾故錄

之以俟博識君子治平元年六月十日書右真蹟

後漢堯母碑建甯五年元第四百六十一

右漢堯母碑漢建甯五年造其文畧曰堯母慶都感赤龍而生堯

遂以侯伯恢踐帝隸釋帝下慶都僊沒蓋葬於茲欲人莫知名曰

靈臺上立黃屋堯所奉祠三代改易荒廢不修漢受濡期興滅繼

絕如堯為之遂遭亡新禮祠絕矣故廷尉姓名摩滅深惟大漢堯

之苗胄當修堯祠追遠復舊前後奏上帝納其謀歲以春秋奉太

牢祠時濟陰太守魏郡審晃成陽令博陵管道各遣大掾輔助口

隸釋作君經之營之不日成之此其大槩也按皇覽云堯家在濟

陰城陽呂氏春秋云堯葬穀林皇甫謐云穀林即城陽然自史記

地志及水經諸書無堯母葬處惟見於此碑蓋亦葬城陽也而諸

書俗本多為城陽獨此碑為成陽當以碑為正碑後列當時人名

氏又云審晃字元讓管道字君臺又云漢受濡期莫曉其義也嘉

祐元年二月二十九日書又集本

後漢繁陽令楊君碑嘉平中元第一百一

右漢繁陽令楊君碑首尾不完文字摩滅可識者四百三十字不

可識者六十一字碑云君遭叔父太尉薨委榮輕舉吏民攀轅守  
闕上書運穀萬斛助官賑貧以乞君還又云君一作富波君之子按  
漢書楊震子牧為富波相君迺牧子也叔父太尉者秉也出米乞  
令前史所無惜其名字摩滅不可見矣嘉祐八年十月二十三日  
書 右真蹟

後漢高陽令楊君碑

歲月闕  
元第一百十一

右漢高陽令楊著碑首尾不完而文字尚可識云司隸從事定潁  
侯相最後為善侯相善上一字摩滅不可見蓋其中間嘗為高陽  
令而碑首不書最後官者不詳其義也按楊震碑高陽令著震孫  
也今碑在震墓側一有也字  
右真蹟

後漢楊君碑陰題名

歲月闕  
元第二十一

右漢楊君碑陰題名首尾不完今可見者四十餘人楊震子孫葬  
閭鄉者數世碑多殘缺此不知為何人碑陰其後有云右後公門  
生又云右沛二字集本  
作後史君門生沛君疑是沛相者自有碑而亡其  
名字矣後公亦不知為何人也治平元年六月初十日書 右真蹟

又漢楊君碑陰題名

歲月闕  
元第四百八十一

右漢楊君碑陰題名凡一百三十一人有稱故吏者故民者處士  
者故功曹史者故門下佐者類例不一似當時人各隨意書之而  
文字摩滅僅可讀其姓名字俱完可識者八十三人其餘或在或  
亡蓋後漢楊震墓域中碑也楊氏墓在閭鄉有碑數片皆漢世所

立余家集錄得其四震及沛相繁陽高陽令碑并得碑陰題名然  
嚮字得時參錯不知爲何碑之陰也其名氏可見者當時皆無所  
稱述顧其人亦不足究考第以漢隸真蹟金石所傳者至今類多  
摩滅可惜故錄之爾治平元年三月二十日書 右真蹟

後漢碑陰題名

歲月闕  
元第七百四十一

右漢碑陰題名在閭鄉楊震墓側文字摩滅不復可考其僅可見  
者曰候長汾陰趙遺子宣候上滅一字又曰故督郵曹史縣功曹  
鄉部吏柏昱等人名鄉上又滅一字又曰西鄉亭長柏昱子政又  
曰鄉亭長翟國相如鄉上又滅一字又曰麟都亭長陰定安定谷  
口亭長方文雅方上又滅一字東門亭長梁忠子孝四望亭長吳  
鴻子名麟武亭長常高君宣其餘缺裂不完蓋楊氏子孫當時皆  
葬閭鄉碑碣往往摩滅此不知爲誰碑也治平五年五月二十日  
謝雨致齋于太社書 右真蹟

後漢楊公碑陰題名

歲月闕  
元第一百二十一

右漢楊公碑陰題名楊氏世葬閭鄉墓側皆有碑今其存者四余  
家集錄皆得之乃太尉沛相高陽繁陽令也此碑陰者不知爲何  
人碑文字殘缺其僅存者十五人又滅其一其在者十四人曰懷  
陵園令相蔣禧字武仲宜祿長蕭劉瑞字仲祐孝廉杼秋劉旭字  
子明太官日丞譙曹臻字建國辭曹史鄆公孫銀字山根門下書  
佐史韓純字子敬豐畢佩字廣世鄆孟縱字河雒決曹書佐鄆公

孫暘字元暘皆稱故吏又有故吏贊陳俊字仲顯蘄夏陽字儀公  
蘄兒銀字伯玉杼秋劉順字子選沛周儀字帛民凡五人皆不著  
職一有但稱故吏四字而孟縱字河維周儀字帛民文字皆完非訛謬而莫  
曉其義也治平元年六月十四書 右真蹟

後漢殘碑陰歲附一闕一百二十一

右漢殘碑陰前後二字一摩滅不知爲何人碑其知爲漢碑者蓋  
其隸字非漢人莫能爲也其字僅可見者尚數十而姓名完者九  
人曰王伯卿趙仲方賈元周王景陽賈元輔宗石處王仲宣馬安  
國王通國皆無官號邑里莫知爲何人惟漢隸在者少爲難得故  
錄之治平元年五月十八日書 右真蹟

後漢魯峻碑熹平元年第五百六十一

右漢魯峻碑云君諱峻字仲嚴山陽昌邑人監營謁者之孫修武  
令之子治魯詩顏氏春秋舉孝廉除郎中謁者河內太守丞辟司  
徒司空府舉高第御史東郡頓邱令遷九江太守拜議郎太尉長  
史御史中丞司隸校尉遭母憂自乞拜議郎服竟還拜屯騎校尉  
以病遜位熹平元年卒門生于商等二百三十人諡曰忠惠父其  
餘文字亦粗完故得遷拜次序頗詳以見漢官之制如此惟云遭  
母憂自乞拜議郎又其最後爲屯騎校尉而碑首題云漢故司隸  
校尉忠惠父魯君碑者莫曉其義治平元年四月二十二日書 右集本

後漢元儒婁先生碑

熹平三年元無卷第

右漢元儒婁先生碑云先生諱壽字九元一作考南陽隆人也祖太常博士父安貧守賤不可榮以祿先生童孩多奇岐嶷有志好學不厭不飭小行善與人交久而能敬榮沮溺之耦耕甘山林之杳藹又曰有朋自遠冕紳莘莘講習不倦年七十有八熹平三年二月甲子不祿今光化軍乾德縣圖經載此碑景祐中余自夷陵貶所再遷乾德令按圖求碑而壽有墓在穀城界中余率縣學生親拜其墓見此碑在墓側遂據圖經遷碑還縣立於勅書樓下至今在焉治平元年六月十三日書

右真蹟

後漢桂陽太守周府君紀功銘

熹平中元第一百八十二

此君檢漢書無之今碑右缺不見其名惜乎遂不見於世也南人紀其所脩瀧水即韓文公所謂昌樂瀧者是也至今以為祠宇甚甚嚴云

右集本

後漢桂陽周府軍碑

熹平中元第一百八十一

右漢桂陽周府君碑按韶州圖經云後漢桂陽太守周府君碑按廟在樂昌縣西一百一十八里武溪上武溪驚湍激石流數百里昔馬援南征其門生轅寄生善吹笛投為作歌和之名曰武溪深其辭曰滔滔武溪一何深鳥飛不渡獸不能臨嗟哉武溪何毒淫周使君開此溪下合真水桂陽人便之為立廟刻石又云碑在廟中郭蒼文今碑文摩滅云府君字君光而名已訛缺不可辨圖經

但云周使君亦不著其名後漢書又無傳遂不知爲何人也按武  
水源出柳州臨武縣鷓鴣石南流三百里入桂陽而桂陽真水有  
梨溪二字盧溪曹溪諸水皆與武水合流其俗謂水湍峻爲瀧韓退之  
詩云南下昌樂瀧卽此水也碑首題云神漢者如唐人云聖唐爾  
蓋唐人已爲此語而史傳他書無之獨見於此碑也 右集本

後漢桂陽周府君碑後本 熹平中 九附一 百八十一

右漢桂陽周府君碑余初得前本恨其名遂摩滅後有國子監直  
講劉仲章者因出其碑而爲余言前爲樂昌今因道府君事云名  
憬問其何以見之云碑刻雖闕尚可識也乃以此碑并陰遺余蓋  
前本特摹者不工爾又余初以韓集云昌樂瀧疑其誤乃改從樂  
昌仲章曰不然縣名樂昌而瀧名昌樂其舊俗所傳如是韓集不  
誤也乃知古人傳疑而慎於更改者以此 右集本

後漢秦君碑首 熹平中 元第八十一

漢碑今存者少此篆亦與今文小異勢力勁健可愛 蔡君謨題  
右漢熹平中碑在南陽界中字已摩滅不可識獨其碑首字大僅  
存其筆畫頗奇偉蔡君謨甚愛之此君謨過南都所題乃皇祐三  
年也今一紀矣嘉祐八年九月十七日書 右真蹟

又別本

右漢秦君碑首題云漢故南陽太守秦君之碑秦君不知爲何人  
碑在南陽界中字已摩滅不可識獨其碑首字大僅存其筆畫頗

奇偉蔡君謨甚愛之

後漢堯祠碑

熹平四年元第七百九十一

右漢堯祠碑在濟陰碑云帝堯者蓋昔世之聖王也又曰聖漢龍

興纂一作續

堯之緒祠以上犧至于王莽絕漢之業而壇場夷替屏

懾真蹟

作攝無位大抵文字摩滅字雖可見而不復成文其後有云李

樹連理生於堯祠太守河南張寵到官始初出錢二千敬致禮祠

其餘不能讀也碑文有年月蓋熹平四年建也治平元年五月晦

日書右真蹟

後漢郎中王君碑

光緒元年元第六百一

右漢郎中王君碑文字摩滅不復成文而僅有存者其名字官闕

卒葬年月皆莫可考惟其碑首題云漢故郎中王君之銘知君為

漢人姓王氏而官為郎中爾蓋夫有形之物必有時而弊是以君

子之道無弊而其垂世者與天地而無窮顏回高臥於陋巷而名

與舜禹同榮是豈有託於物而後傳邪豈有為於事而後著邪故

曰久而無弊者道隱而終顯者誠此君子之所貴也若漢王君者

託有形之物欲垂無窮之名及其弊也金石何異乎瓦礫治平元

年四月晦日書

右真蹟

後漢樊毅華嶽廟碑

光緒元年元第三百二

右漢樊毅修華嶽廟碑云惟光緒元年歲在戊午名曰咸池季冬

己巳宏農太守河南樊君諱毅字仲德下車之初恭肅神祀西嶽

至尊詔書奉祠躬親自往齋室逼窄法齋無所處一作於是與令巴  
郡胸忍先謹圖議繕故二年正月己卯興就刻茲碑號吏卒挾路  
據此碑乃即時所立而太守生稱諱者何哉治平元年未伏日書  
右真蹟

後漢太尉陳球碑

光和元年  
第六百一十一

右漢太尉陳球碑云君諱球字伯真廣漢太守之元子也又云除  
郎中尚書符節郎慎陵園令換中東城門候遷繁陽令拜侍御史  
其後又云拜將作大匠其餘摩滅僅存按後漢書球傳云父豐廣  
漢太守陽嘉中球舉孝廉稍遷繁陽令太尉陽秉表球零陵太守  
後累拜司空光和元年遷太尉坐日食免復拜光祿大夫與司徒  
劉劭等謀誅宦官曹節等不果下獄死球在零陵破賊胡蘭朱蓋  
有功威著南邦今碑破蘭蓋事班班可讀與傳皆合惟不著誅宦  
官事至其卒時文字摩滅不可識惟云六十有三亦與傳合予所  
集錄古文與史傳多異惟此碑所載與列傳同也治平元年四月  
晦日書右真蹟

後漢樊毅華嶽碑

光和二年  
第七百二十一

右漢樊毅華嶽碑云泰華之山削成四方其高五千仞廣十里周  
禮職方氏華謂之西嶽祭視三公者以能興雲雨產萬物通精氣  
有益於人則祀之故帝舜受堯親自巡省暨夏殷周末之有改秦  
違其典璧遺鄗池二世以亡漢祖古文苑應運禮遵陶唐祭則獲



福亦文苑世克昌亡新滔逆鬼神不享建武之初彗掃頑凶光和二  
年有漢元舅五侯之曹謝陽之孫曰樊府君諱毅字仲德命守  
斯邦孟冬十月齋祠西嶽以傳窄狹不足處尊卑廟舍舊久墻屋  
傾亞特部行事荀班縣令先謹以漸補治此其事也又云功曹郭  
敏等遂刊元石銘勒鴻勳其字畫頗完其文彬彬可喜惟以周禮  
職方氏爲識方氏其字畫分明非訛缺疑當時周禮之學自如此  
蓋識誌其義皆通也治平元年五月十日書 右真蹟

後漢修西嶽廟復民賦碑

光和二年元第二十二

右漢修西嶽廟復民賦碑云光和二年十二月庚午朔十三日壬  
午宏農太守臣毅頓首死罪上尚書臣毅頓首頓首死罪死罪謹  
按文書臣以去元年十一月到官其十二月奉祠西嶽華山省視  
廟舍及齋衣祭器率皆久遠有垢臣以神嶽至尊宜加恭肅輒遣  
行事荀班一作班與華陰令先謹以漸繕治成就之又曰謹言縣當  
孔道加奉尊嶽一歲四祠養牲百日用穀橐三千餘斛或有請雨  
齋禱役費兼倍小民不堪有饑寒之窘違宗神之敬乞差諸賦復  
華下十里以內民租田口稅有臣輒聽行有盡力奉宣詔書思惟  
惠利增異復上臣毅誠惶誠恐頓首頓首死罪死罪上尚書漢家  
制度今不復見惟余家集錄漢碑頗多故於摩滅之餘時見一二  
而此碑粗完故錄其首尾以傳臣毅者樊毅也治平元年六月十  
四日書 右集本

後漢北嶽碑元和四年元第七百三十一

右漢北嶽碑文字殘滅尤甚莫詳其所載何事第其隱隱可見者曰光和四年以此知為漢碑爾其文斷續不可次序蓋多言珪幣牲酒黍稷豐穰等事似事禱賽之文其後有二人姓名偶可見云南陽冠軍馮巡字季祖甘陵夏方字伯陽其餘則莫可考矣治平元年五月十日書右集本

後漢無極山神廟碑元和四年元第九百四十一

右漢無極山神廟碑文字摩滅斷續然尋繹次序其可見者尚可成文云太常臣耽丞敏頓首上尚書謹按文書男子常山蓋高上黨范遷為元氏三公神山去年五月常山相巡詣山請雨山神即使高傳言白國縣即與封龍靈山無極山共興雲雨常山相巡元氏令王翊各以一白羊賽復使高與遷俱詣太常為無極山神索法食臣疑高遷言不實輒移本國今常山相巡書言郡督郵言無極山體可三里所立石為體長二丈五尺所山周匝二十餘里其三公封龍靈山皆得法食乞令無極山比三山祠牲出王家以珪璧為信愚臣如巡言請少府給珪璧故事須報臣耽愚戇頓首頓首上尚書制曰可尚書令忠奏雒陽宮太常承書從事光和四年八月十七日丁酉尚書令忠下太常耽丞敏下常山相其奏章如此其後遂言造廟事而有銘其文多不載按漢奏章首尾皆言臣某頓首頓首死罪死罪上尚書而此碑所載太常奏章首尾不

稱死罪而丞敏又不稱臣莫曉其制碑後又列常山官屬云常山相南陽馮巡字季祖元氏令王翊字元輔云治平元年四月二日書 右真蹟

後漢穀阮君神祠碑

光和四年元第百九十

右漢穀阮君神祠碑在鄭縣慶歷中樞密直學士施君爲陝西都轉運使爲余摹此本云碑文已摩滅初不可辨以麪填其刻稍尋其點畫命工鑄治之乃可讀漢碑今在者類多摩滅不完故此字一作是獨字斯碑歷歷可見也惟裴煜姓名爲鄉人鑿去矣穀阮所以畜洩水患據碑文云自亡新以來廢之則前漢時已有之矣光和中煜爲鄭縣令始修復之事見水經及華州圖經穀阮君祠今謂之五部神廟其像有石隄西成樹谷五樓先生東臺御史王翦將軍皆莫曉其義施君名昌言今爲涇原路安撫使 右集本

後漢敬仲碑

光和四年元第百一十一

右漢敬仲碑者其姓名字皆不可見惟其初有敬仲二字尚可識故以寓其名爾蓋疑其人姓田氏也大抵文字摩滅比其他漢碑尤甚字可識者頗多第不成文爾惟云州郡課最臨登大郡又云居喪致哀又云司隸從事治書侍御史又云光和四年閏月庚申此數句粗可讀爾其餘字畫屢完者以漢隸今爲難得錄之爾治

平元年閏五月二十九日書

右真蹟

後漢無名碑

此與前跋大概同元第六百八十一

右漢無名碑文字摩滅其姓氏名字皆不可見其僅可見者云州郡課最臨登大郡又云居喪致哀曾參閔損又曰辟司隸從事拜治書侍御史又曰奮乾剛之嚴威揚哮虎之武節又曰年六十三光和四年閏月庚申遭疾而卒其餘字畫尚完者多但不能成文爾夫好古之士所藏之物未必皆能一作適世之用惟其埋沒零落之餘尤以為可惜此好古之僻也治平元年六月五日書右真蹟

後漢彙長蔡君頌碑

光和四年元第五百八十一

右漢彙長蔡君頌碑在鎮府故天章閣待制楊旼嘗為余言漢時隸書在者此為最佳旼自言平生惟學此字余不甚識隸書因旼言遽遣人之常山求得之遂入於錄右真蹟

後漢唐君碑

光和六年元第八百八十一

右漢唐君碑其名已摩滅其字正南云

集本作云字正南

穎川鄆人也其

先出自慶都感赤龍生堯王有天下苗胄枝分相土視居因氏唐焉君父孝廉郎中早卒君繼厥緒耽道好古敦書味詩守舞陽丞潁陽令察能治劇遷豫章其後遂復摩滅雖文字班班可見而不能得其次序其後又云換君昌陽令吏民慕戀牽君車輪不得行君臣流涕道路琅玕是故從事郡掾刊石樹頌歌君之美據此蓋縣令去思碑爾其後又云光和六年二月壬午朔二十五日丙午則知唐君為後漢時人矣治平元年閏五月二十八日書右真蹟

後漢朱龜碑

光和六年元第二百三十一

光

右漢朱龜碑云字伯靈察孝廉除郎中尚書侍郎以將事去官于時幽州州下滅一字夷侵寇以君為御史中丞討伐其後摩滅又云鮮卑侵犯障塞復舉君拜幽州刺史年六十四光和六年卒龜之事迹不見史傳其僅見於此碑者如此碑在今亳州界中云將事去官莫曉其語治平元年六月十四日書 右真蹟

後漢司隸從事郭君碑 中平元年元第四百四十一

右漢司隸從事郭君碑云君諱究汲人也元城君之孫雒陽令之適歷主簿督郵五官掾功曹守令長辟司隸從事部郡都官春秋二十八而卒中平元年歲在甲子三月而葬據北軍中候碑為元城君子而弟為雒陽令考其世次皆同前世碑但書子孫而不及兄弟惟郭氏碑載其兄弟甚詳蓋古人譜牒既完而於碑碣又詳如此可見其以世家為重不若今人之苟簡也治平元年六月二十九日書 右真蹟

後漢太尉劉寬碑 中平二年元第二百七十一

右漢太尉車騎將軍特進遂鄉 二字一作昭烈侯劉公碑公諱寬有

兩碑皆在洛陽余家集錄皆得之其一故吏李謙所等 一作立而此

碑門生殷包等所立其所書與李謙等碑 一作所載不異惟漢隸難

得當錄漢公卿 卒字 故吏門生各自立碑以申感慕惟見於此今

人家碑碣非其子孫則他人不為立也治平元年六月十四日書

右真

又後漢太尉劉寬碑

中平二年元第百六十一

右漢太尉劉寬碑漢書有傳其官闕始卒與碑多同而傳載遷官次序頗略蓋史之所記善惡大事官次雖小略不足為失惟其繆誤與闕其大節不可不正碑云大將軍以禮脅命拜侍御史遷梁令三府並用博士徵皆不就司隸校尉舉其有道公車徵拜議郎司徒長史而傳但云大將軍辟五遷司徒長史今據碑止四遷爾博士未嘗拜也碑於長史下遂云入登侍中延熹八年地震有詔詢異而拜尚書遷南陽太守拜大中大夫復拜侍中屯騎尉宗正光祿勳遂授太尉傳至大中大夫始云遷侍中其前自長史入登侍中史闕書也碑又云固疾遜位拜光祿大夫遷衛尉復作太尉而傳云以日食免拜衛尉以日食免當從傳為正而不書光祿大夫史闕也其餘皆同故不復錄治平元年六月十四日書

右集本

後漢太尉劉寬碑陰題名

中平二年元第百二十一

右漢太尉劉寬碑陰題名寬碑有二其故吏門生各立其一也此題名在故吏所立之碑陰其別列於後者在寬子松之碑陰也寬以漢中平二年卒至唐咸亨元年其裔孫湖一作城公爽以碑歲久皆仆于野為再立之并記其世序嗚呼前世士大夫世家著之譜牒故自中平至咸亨四百餘年而爽能知其世次如此之詳也蓋自黃帝以來子孫分國受姓歷堯舜三代數千歲間詩書所紀

皆各字有次序豈非譜繫源流傳之百世而不絕與此古人所以爲重也不然則士生於世皆莫自知其所出而昧其世德遠近其所以異於禽獸者僅能識其父祖爾其可忽哉唐世譜牒尤備士大夫務以世家相高至其弊也或陷輕薄婚姻附託邀求貨賂君子患之然而士子修飭喜自樹立兢兢惟恐墜其世業亦以有譜牒而能知其世也今之譜學亡矣雖名臣巨族未嘗有家譜者然而俗習苟簡廢失者非一豈止家譜而已哉嘉祐八年七月二十九日書 右真蹟

後漢小黃門譙君碑

中平二年元第五百十一

右漢小黃門譙君碑云君諱敏字漢達年五十七中平二年卒其文不甚摩滅而官闕無所稱述惟云肅將王命守靜韜光以遠悔吝而已後漢宦者用事靈帝時尤盛敏卒之歲張讓等十二人封侯於斯時能守靜遠悔是亦可佳然敏以一小黃門而立碑稱頌於此可見宦官之盛也治平元四月三日書 右真蹟

後漢文翁石柱記

初平五年元第二百二十一

右漢文翁石柱記云漢初平五年倉龍甲戌旻天季月修舊築周公禮殿始自文翁開建泮官據顏有意益州學館廟堂記云按華陽國志文翁爲蜀郡守造講堂作石室一名玉堂安帝永初間烈火爲災堂及寺舍並皆焚燼惟石室獨存至獻帝興平元年太守高朕於玉堂東復造一石室爲周公禮殿有意又謂獻帝無初平

五年當是興平四字一作當如元年蓋時天下喪亂西蜀僻遠年號不通故仍稱舊號也今檢范煜漢書本紀初平五年正月改爲

興平顏說是也治平元年六月十三書右真蹟

後漢文翁學生題名元第六十一

右漢文翁學生題名凡一百有八人文學祭酒典學從事各一人司儀主事各二人左生七十三人右生三十人文翁在蜀教學之盛爲漢稱首其弟子著籍者何止於此蓋其摩滅之餘所存者此

爾治平元年六月二十日書右真蹟

後漢熊君碑建安二十一年

右漢熊君碑云君諱喬字舉舉上滅一字隸釋其官闕不可詳考

其僅可知者劉表時爲綏民校尉後遷騎都尉建安二十一年卒享年七十有一其云治歐羊尚書其字非訛闕而以陽爲羊蓋古文字少故須假借至漢字已備而猶假用何哉後云太歲在申申上滅一字以歷推之當是丙申又云碑師春陵福造福上滅一字當是其姓其書顯字皆爲顯按許慎說文顯從彙聲而轉爲累其失遠矣莫曉其義也熙甯二年十月晦日山齋書右集本

後漢元節碑歲月闕

右漢元節碑文字摩滅不見其氏族其可見者纔數十字爾云君諱立字元節其先出自伊尹其餘不復成文其銘云於穆從事疑其姓伊而爲從事也碑無年月而知爲漢人者以其隸體與他漢



碑同爾治平元年五月三日書 右真蹟

後漢殘碑


歲月闕元第一百三十

右漢殘碑不知為何人所存者纔三十二字不復成文惟云高字幼知其名高又云漢一有中字興復知為後漢時人而隸字在者甚完體質瀟勁非漢人莫能為也故錄之 右真蹟

後漢天祿辟邪字

歲月闕元第七十一

右漢天祿辟邪四字在宗資墓前石獸膊上按後漢書宗資南陽安眾人也今墓在鄧州南陽界中墓前有二石獸刻其膊上一曰天祿一曰辟邪余自天聖中舉進士往來穰一作襄鄧間見之道側迨今三十餘年矣其後集錄古文思得此字屢求於人不能致尚書職方員外郎謝景初家於鄧為余摹得之然字畫訛缺不若余見時完也按黨錮傳云資祖均自有傳今後漢書有宋均傳云南陽安眾人而無宗均傳疑黨錮傳轉寫宋為宗爾蜀志有宗預南陽安眾人豈安眾當漢時有宗宋二族而字與音皆相近遂至訛謬邪史之失傳如此者多矣嘉祐八年臘日書 右真蹟



歐陽廬陵集卷一百三十七

集古錄跋尾

魏受禪碑 延康元年元第七十二

右魏受禪碑世傳為梁鵠書而顏真卿又以為鍾繇書莫知孰是

按漢獻帝紀延康元年十月乙卯皇帝遜位魏王稱天子又無此


字按魏志是歲十一月葬士卒死亡者猶稱正字集本有令是月丙午

集本作寅漢帝使張惛奉璽綬庚午王升壇受禪又是月癸酉奉漢帝

為山陽公而此碑云十月辛未受禪於漢三家之說皆不同今據

裴松之注魏志備列漢魏禪代詔冊書令羣臣奏議甚詳蓋漢實

以十月乙卯策詔魏王使張惛奉璽綬而魏王辭讓往返三四而



後受也又據侍中劉廙奏問太史令許芝今月十七日己未可治  
壇場又據尚書令桓階等奏云輒下太史令擇元辰今月二十九  
日可登壇受命蓋自十七日己未至二十九日正得辛未以此推  
之漢魏二紀皆繆而獨此碑為是也漢紀乙卯遜位者書其初命  
而略其辭讓往返遂失其實爾魏志十一月癸卯猶稱令者當是  
十月衍一字爾丙午張惛奉璽綬者辭讓往返容有之也惟庚午  
升壇最為繆爾癸卯去癸酉三十一日不得同為十一月此尤繆  
也禪代大事也而二紀所書如此則史官之失以惑後世者可勝  
道哉嘉祐八年九月十七日書 右真蹟

魏鍾繇表 建安二十四年 元第四百九十

右鍾繇法帖 二字集本 者曹公破關羽賀捷表也其後書云建安二  
十四年閏月九日南蕃東武亭侯鍾繇上集賢校理孫思恭精於  
歷學余問孫君建安二十四年閏在何月思恭為疑作余以漢家  
所用四分乾象歷推之是歲己亥二歷皆閏十月而陳壽三國志  
所書時月雖為簡略然以思恭言考之則合按魏志是歲冬十月  
軍還洛陽其下遂書孫權請討關羽自効於吳志則書閏月權討  
羽以魏吳二志參較是閏十月矣吳志又書十二月權獲羽及其  
子平魏志明年正月乃書權傳羽首至洛陽蓋二志相符乃權以  
閏十月方征羽至十二月獲之明年正月始傳首至洛理可不疑  
然是鍾繇安得於閏十月先賀捷也由是此表可疑為非真而今

世盛行復有兩本字大小不同小字差類絲書然不知其果是否姑並存之以俟識者治平元年七月二十六日書右真蹟

又別本

右魏鍾繇書其辭云戎路兼行履險冒寒因述曹仁徐晃破關羽事其後題云建安二十四年閏月九日南蕃東武亭侯臣繇上按建安二十四年冬曹公軍于摩陂而仁等破羽後未嘗出征疑有無字履險冒寒之役又古人牋啟不書年此二事可疑又云羽已被手刃據三國志羽圍曹仁於樊為仁所敗而走後為孫權兵斬於沮與此帖不同右集本

魏公卿上尊號表

黃初元年第七十三

右魏公卿上尊號表唐賢多傳為梁鵠書今人或謂非鵠也乃鍾繇書爾未知孰是也嗚呼漢魏之事讀其書者可為之流涕也其鉅碑偉字其意惟恐傳之不遠也豈以後世為可欺與不然不知恥者無所不為乎右真蹟

魏劉熹學生冢碑

歲月闕元第三百六十五

右漢劉熹學生冢碑在襄州穀城縣界中余為乾德令時嘗以公事過穀城見數荒冢在草間傍有古碑傾側半埋土中問其村人為何人家皆不能道而碑文摩滅不暇讀而去後數年在河北始集錄古文思嚮所見穀城碑疑為漢碑求之又數年乃獲按襄州圖經云學生冢在縣東北水經注云魏濟南劉熹字德怡博學好

古立碑載生徒百餘人其不終業而卒者葬於此號學生冢今碑雖殘缺而熹與生徒名字往往尚可見蓋余昔所見乃學生冢而碑魏時碑也熹穀城令也治平元年正月十日書右真蹟

魏賈逵碑

歲月闕元第一百二十八

右魏賈逵碑魏志逵傳云逵為絳邑長為賊郭援所攻絳人與援約不害逵乃降而援欲以逵為將怒逵不肯叩頭欲殺之絳人乘城呼曰負要集本作約殺我賢君甯俱死援義之遂不殺又按裴松之注引魏畧云援捕得逵怒不肯拜促斬之諸將覆護囚於壺關土窖中守者祝公道釋其械而逸之集本有已字與魏志不同而此碑但云為援所執臨以白刃不屈而已不載絳人約援事如傳所載不獨逵有德於絳人而絳人臨危能與逵生死亦可謂賢矣自古碑碣稱述功德常患過實如逵與絳人德義集本有俱隆字碑不應畧而不著頗疑陳壽作傳好奇而所得非實也松之又注魏書逵年五十五而碑云五十有四亦當以碑為正嘉祐八年十一月十四日書

右真蹟

魏鄧艾碑

歲月闕元第七百五十

右鄧艾碑考其事蹟終始即魏

集本無此字

鄧艾碑也艾嘗為兖州刺

史據碑云晉初常發兖州兵討叛羌艾降巫者傳言授以用兵之法因以破羌充人神之遂為艾立廟建碑紀其事艾於三國時為名將嘗有大功其姓名聞於世甚顯史與充人皆不應誤而艾又

二名不同如此此君子所以慎於傳疑也余謂古人艾又常通用漢書曰黎民艾安與懲艾創艾注皆讀爲艾豈非郤侯名艾音艾而書碑者從省與後人讀史無音注乃直以爲蒿艾之艾而流俗轉失久而訛繆遂不復正此理或然覽者詳之熙甯壬子正月晦日六一堂書右真蹟

吳九真太守谷府君碑

神鳳元年  
元第五百九十二

右谷朗者事吳爲九真太守碑無書撰人名氏其序云府君諱朗字義先桂陽耒陽人豫章府君之曾孫公府君之孫郎中君之子也其先出自顓頊益爲舜虞賜姓嬴氏至於靡子封於秦谷因而氏焉谷氏在吳不顯史傳無所見所謂豫章府君而下三世皆莫知其名字按秦本紀非子邑於秦而此與朗子永甯侯相碑皆爲靡子莫詳其義也治平元年四月二十六日書 右真蹟

吳國山碑

天冊元年  
元第三百四

右吳國山碑者孫皓天冊元年禪于國山改元天璽因紀其所獲瑞物刊石千山陰是歲晉咸甯元年後五年晉遂滅吳以皓昏虐其國將亡而眾瑞並出不可勝數後世之言祥瑞者可以鑒矣熙甯元年中元後一日書 右真蹟

晉南鄉太守頌

泰始中  
元第九十二

右南鄉太守司馬整 集本南鄉太守者司馬整也按晉書宣帝弟曰安平獻王字字次子曰義陽成王望望第三子曰隨穆王整整先望

卒後武帝分義陽之隨縣封整為王諡曰穆整以魏咸熙三年為南鄉太守是歲晉武受禪改元泰始泰始三年徙整南陽而南鄉人為整建此碑晉書地理志當魏末荊州分屬三國而南鄉南陽皆屬魏後晉武改南鄉為順陽此碑今在光化軍軍即襄州穀城縣之陰城鎮陰城當魏晉時為南鄉屬縣也余貶乾德縣令時得此碑今二紀矣嘉祐八年九月二十六日書右真蹟

晉南鄉太守碑

泰始四年元附九十二

右南鄉太守碑不著書撰人名氏題曰宣威將軍南鄉太守司馬府君紀德頌碑云君諱整字孔修太宰安平王之孫太尉義陽王之子按晉書宣帝弟曰字平獻王字字次子曰義陽成王望望第三子隨穆王整整先望卒後武帝分義陽之隨縣封整為王諡曰穆整以太始三年自南鄉太守徙南陽而南鄉人共立此碑今在光化軍軍即襄州穀城縣之陰城鎮按晉志不列南鄉郡據此碑所載縣令名氏有武陵築陽丹水陰城順陽析一作六縣此蓋南鄉郡所治也晉志但云南鄉魏時屬荊州武帝平吳改為順陽郡而不著順陽治所興廢屬縣之名而獨此碑可見也又整傳但云整歷南中郎將封青泉侯薨贈冠軍將軍亦不言其為宣威將軍南鄉南陽二郡守皆其所漏畧也

南鄉太守碑陰

元第九十四

右南鄉太守將吏三百五十人分為二卷其摩滅者猶有二十餘

人人皆有邑姓名字而無次序其名號有令有長有南閣祭酒門  
下督主簿部督郵監汀督郵部勸農五官掾文學掾營軍掾軍謀  
掾府門亭長主記史待事掾待事史部曲將部曲督又有賊曹功  
曹議曹戶曹金曹水曹科曹倉曹鎧曹左右兵曹曹皆有掾又有  
祭酒有史有書佐有修行有從掾位有從史位有史有小史等魏  
晉之際太守官屬之制蓋如此他書或時見一二不能如此之備  
也 右集本

晉陸嗜碑咸和七年元第一百三十七

右晉陸嗜碑嗜為宣威內史建武元年卒碑以咸和七年立而碑  
後題云咸和七年歲在庚辰咸和成帝年號也成帝以泰甯三年  
八月卽位是歲乙酉明年改元咸和據歷七年當為壬辰而此為  
庚辰者繆也陸氏有二碑余家集錄皆有之據陸禕碑後題云泰  
甯三年歲在乙酉與今歷合則當時歷官不應至咸和而頓爾差  
失然則庚辰特書碑者誤爾治平元年六月二十九日書 右真蹟

晉樂毅論永和八年元第八十三

右晉樂毅論石在故高紳學士家紳死家人初不知惜好事者往  
往就閱或摹傳其本其家遂祕藏之漸為難得後其子弟以其石  
質錢於富人而富人家失火遂焚其石今無復有本矣益為可惜  
也後有集本此二字甚妙二字吾亡友聖俞書也論與文選所載時時  
不同考其文理此本為是惜其不完也 右真蹟



晉蘭亭修禊序 永和九年  
元第九百九十六

右蘭亭修禊序世所傳本尤多而皆不同蓋唐數家所臨也其轉相傳摹失真彌遠然時時猶有可喜處豈其筆法或得其一二邪想其真蹟宜如何也哉世言真本葬在昭陵唐末之亂昭陵爲溫韜所發其所藏書畫皆剔取其裝軸金玉而棄之於是魏晉以來諸賢墨蹟遂復流落於人間太宗皇帝時購募所得集以爲十卷俾摹傳之數以分賜近臣今公卿家所有法帖是也然獨蘭亭真本亡矣故不得列於法帖以傳今予所得皆人家舊所藏者雖筆畫不同聊並列之以見其各有所得至於真僞優劣覽者當自擇焉其前本流俗所傳不記其所得其二得於殿中丞王廣淵其三得於故相王沂公家又有別本在定州民家二家各自有石較其本纖毫不異故不復錄其四得於三司蔡給事君謨世所傳本不出乎此其或尚有所未傳更俟博采嘉祐八年六月十日書 右集本

范文度摹本蘭亭序 附

余嘗集錄前世遺文數千篇因得悉覽諸賢筆蹟比不識書遂稍通其學然則人之於學其可不勉哉今老矣目昏手顫雖不能揮翰而開卷臨几便別精粗若范君所書在余集錄實爲難得也竊幸覽之爲之忘倦嘉祐七年夏五月二十八日廬陵歐陽修書 右蹟

右軍蘭亭最著今世尚有搨本秘閣一本蘇才翁一本周越一

本猶有氣象存焉今觀撫放蓋得之矣嘉祐壬寅五月二十六日蒲城蔡襄

書雖列於六藝非如百工之藝也蔡君謨以書名當世其稱范君者如此不為誤矣滁山醉翁題 右真蹟

又

自唐末干戈之亂儒學文章掃地而盡宋興百年之間雄文碩儒比肩而出獨字學久而不振未能比蹤唐人余每以為恨今乃獲見范君筆法信乎時不乏人而患知之不博不然有於中必形於外若范君者筆蹟不傳於世而獨傳其家蓋其潛光晦德非止其書閱不傳也 右真蹟

又與前跋相類疑是稟本今兩存之

自唐末兵戈之亂儒學文章掃地而盡聖宋興百餘年間雄文碩學之士相繼不絕文章之盛遂追三代之隆獨字書之法寂寞不振未能比蹤唐室余每以為恨今迺獲得范君之書信乎時不乏人而患聞見之不博也然范君之筆法宜傳於世而久閱於家蓋其潛光晦德非獨其書之闕也嘉祐七年五月旬休日廬陵歐陽修 右集本

晉王獻之法帖 元第八百六十八

右王獻之法帖余嘗喜覽魏晉以來筆墨遺蹟而想前人之高致也所謂法帖者其事率皆弔哀候病叙睽離通訊問施於家人朋友之間不過數行而已蓋其初非用意而逸筆餘興淋漓揮灑或妍或醜百態橫生披卷發函爛然在目使人驟見驚絕徐而視之其意態愈無窮盡故使後世得之以為奇翫而想見其人也至於

高文大冊何嘗用此而今人不然至或棄百事做精疲力以學書  
為事業用此終老而窮年者是真可笑也治平甲辰秋社日書蹟

又元第三百一十九

獻子帖蓋唐人所臨其筆法類顏魯公更俟識者辨之右真蹟

晉賢法帖歲月闕元第七百三十五

右晉賢法帖太宗皇帝萬幾之餘留精翰墨嘗詔天下購募鍾王  
真蹟集為法帖十卷摹刻以賜羣臣往時故相劉公沆在長沙以  
官法帖鏤版遂布於人間後有尚書郎潘師旦者又擇其尤妙者  
別為卷第與劉氏本並行至余集銘古文不敢輒以官本參入私  
集遂於師旦所傳又取其尤者散入錄中俾夫啟帙披卷者時一  
得之把翫欣然所以忘勸也治平元年五月十日書右真蹟

晉七賢帖歲月闕元第七十六

右晉七賢帖得之李丕緒少卿家丕緒多藏古書然不知此為真  
否七子書蹟世罕傳故錄之右集本

宋文帝神道碑歲月闕元第四百四十九

右宋文帝神道碑云太祖文皇帝之神道凡八大字而別無文辭  
惟以此為表識爾古人刻碑正當如此而後世鐫刻功德爵里世  
繫惟恐不詳然自後漢以來門生故吏多相與立碑頌德矣余家  
集古所錄三代以來鐘鼎彝盤銘刻備有至後漢以後始有碑文

欲求前漢時碑碣卒不可得是則冢墓碑自後漢以來始有也此碑無文疑非宋世一有立蓋自漢以來碑文務載世德宋氏子孫未必能超然獨見復古簡質又南朝士人氣尚卑弱字書工者率以纖勁清媚為佳未有偉然巨筆如此者益疑後世所書按宋書文帝為元兇劾所弒初諡曰景廟號中宗孝武立改諡曰文號太祖其墓曰長甯陵也治平元年三月十六日書右真蹟

宋宗慤母夫人墓誌大明六年第一百五十三

右宗慤母夫人墓誌不著書撰人名氏有誌無銘其後云謹牒子孫男女次第名位婚嫁如左蓋一時之制也按慤本傳與此誌歷官終始不同本傳云宋孝武即位以慤為左衛將軍累遷豫州刺史監五州諸軍使討竟陵王誕入為左衛將軍廢帝即位為甯蠻校尉雍州刺史卒此誌乃大明六年作誌云為右衛將軍監交廣二州湘州之始興冠軍將軍平越中郎將廣州刺史始遷豫州監五州軍事又為散騎常侍左衛將軍領太子中庶子荊州大中正而傳皆畧之也慤南陽涅陽人而此誌云涅陽縣都鄉安眾里人又云寔於秣陵縣都鄉石泉里都鄉之制前史不載右集本

齊鎮國大銘像碑天統二年第一百二十

右齊鎮國大銘像碑銘像文辭固無足取所以錄之者欲知愚民當夷狄亂華之際事佛尤篤爾其字畫頗異雖為訛謬亦其傳習時有與今不同者其錄之亦以此也右集本

南齊海陵王墓銘 歲月闕 元第八十三

右南齊海陵王墓銘長兼中書侍郎謝朓撰海陵王昭文者文惠太子次子也初明帝鸞既廢鬱林王昭業而立昭文又廢為海陵王而殺之遂自立按謝朓傳朓當海陵王時為驃騎諮議領記室又掌中書郎後遷尚書吏部郎此誌題云長兼中書侍郎而據傳朓未嘗為中書侍郎史之闕也按南齊書劉峻為長兼侍中後魏臨淮王彧為長兼御史中尉南北史多有此名蓋集本有長當時兼官之稱如唐檢校官之類也嘉祐八年九月十七日書 右真蹟

又此增入 又此與前跋相類疑是彙本今兩存之  
右海陵王墓銘南齊謝朓撰海陵王者齊文惠太子之次子也名昭文初明帝鸞既廢鬱林王昭業而立昭文又廢為海陵王而殺之鸞立是為明帝按朓傳朓當海陵王時為驃騎諮議領記室又掌中書郎後遷尚書吏部郎此誌題云長兼侍中書侍郎而據傳朓未嘗為中書侍郎史之闕也按南齊書劉峻為長兼侍中後魏臨淮王彧為長兼御史中尉南北史多有此名蓋長兼似當時兼官之稱如唐檢校官也

梁智藏法師碑 普通三年 元第六十二

右梁智藏法師碑梁湘東王蕭繹撰銘新安太守蕭幾作叙尚書殿中郎蕭挹書世號三蕭碑法師者姓顧氏幾挹皆稱弟子衰世之弊遂至於斯余於集古錄而不忍遽棄者以其字畫粗可佳捨其所短取其長斯可矣嘉祐八年五月晦日書 右真蹟

陳浮屠智永書千字文 歲月闕 元第四十六

右千字文今流俗多傳此本為浮屠智永書考其字畫時時有筆

法不類者雜於其間疑其石有亡缺後人妄補足之雖識者覽之  
可以自擇然終汨其真遂去其二百六十五字其文既無所取而  
世復多有所佳者字爾故輒去其僞者不以文不足為嫌也蔡君  
謨今世知書者猶云未能盡去也嘉祐八年十月十八日書右真蹟

又

梁書言武帝得王羲之所書千字命周興嗣以韻次之今官集本作觀  
法帖有漢章帝所書百餘字其言有海鹹河淡之類蓋前世學書  
者多為此語不獨始於羲之也右真蹟

魏九級塔像銘天保三年元第四百七十七

右魏九級塔像銘不見書撰人名氏蓋北齊時人所作也其年號

見於文者三曰真君九年者後魏太武號也又曰武定四年者東  
魏孝靜號也又曰天保三年者北齊文宣號也按高洋以後周大  
統十六年受東魏禪是歲庚午改元天保三年壬申此碑云歲在  
涖灘是矣碑文淺陋蓋鄙俚之人所為惟其字畫多異徃徃奇怪  
故錄之以備廣覽集本有云字治平元年三月二十三日書右真蹟

大代修華嶽廟碑興光二年元第五百二十四

右大代修華嶽廟碑按魏書文成帝興光二年三月己亥改元為  
太安故魏書興光無二年而此碑云集本有興光二年三月甲午立  
者蓋立碑後六日始改元也其曰闡皇風於五葉者自道武明元  
太武至於文成纔四世爾太武之弑南安王余立不踰年亦被弑

不得成君集本無此十九字而景穆太子文成父也追尊為帝立廟稱宗

故以為世也魏自道武天興元年議定國號羣臣欲稱代而道武

不許乃仍稱魏自是之後無改國稱代之事今魏碑數數有之碑

石當時所刻不應妄但史失其事爾由是言之史家闕繆可勝道

哉然予於史家非長故書之以待博學君子也嘉祐八年歲在癸

卯七月三十日書昔在南譙自號醉翁晚又更號六一居士右真蹟

又此與前跋相類疑是彙本今兩存之

按魏書文成帝興光二年三月己亥改元太安而此碑書二年三月甲午立蓋立碑後六日乃改元故碑猶得稱二年也其曰闡皇風於五葉者自道武明元太武至於文成纔四世爾太武之弒南安王余立不踰年亦被弒不得成君為一世而景穆太子文成父也追尊為帝立廟稱恭宗故以為世也魏自道武天興元年議定國號羣臣欲稱代而道武不許乃稱魏自是之後無改國稱代之事今魏碑數數有之碑石當時所刻不應妄誤但史失其事爾由是言之史家闕繆多矣右真蹟

懷州孔子廟記後魏太和第八十五

右宣尼廟記文辭事實皆不足采其書亦非佳獨其字畫多異故

特錄之以備博覽右見綿本拾遺

後魏孝文北巡碑太和二十九年第八十九

右魏孝文北巡碑云太和二十一年脩省方之典北臨舊京又云

涉西河出平陽斜順唐達指遊咸櫟路邇龍門遂紆雕軒按後魏

本紀是歲正月乙巳北巡二月次太原至平城四月幸龍門以太

牢祭夏禹遂幸長安汎渭浮河迺東歸與此碑所書皆合也碑無

題首故依本紀為北巡碑也治平元年三月二十二日書右真蹟

後魏定鼎碑

景明三年元第一百九

右魏定鼎碑景明三年建在今懷州流俗謂之定鼎碑也景明魏宣武年號也碑云定鼎遷中之十年按魏孝文以太和十七年遷都洛陽至此景明三年蓋十年矣

右集本

後魏石門銘

永平二年元第七百八

右魏石門銘云此門蓋漢永平中所穿自晉氏南遷斯路廢矣皇魏正始元年漢中獻地褻斜遂開假節龍驤將軍梁秦二州刺史羊祠開創舊路詔遣左校令賈三德共成其事起四年十月訖永平二年正月畢功其餘文字尚完而其大畧如此石門在漢中所謂漢永平中所穿者乃明帝時司隸校尉楊厥所開也厥自有碑述其事甚詳正始永平皆後魏宣武年號也治平元年五月十日書右真蹟

後魏神龜造碑像記

神龜三年元第四百九

右神龜造碑像記魏神龜三年立余所集錄自隋以前碑誌皆未嘗輒棄者以其時有所取於其間也然患其文辭鄙淺又多言浮屠然獨其字畫往往工妙惟後魏北齊差劣而又字法多異不知其何從而得之遂與諸家相戾亦意其夷狄昧於學問而所傳訛繆爾然錄之以資廣覽也此碑字畫時時遒勁尤可佳也神龜孝明年號按魏書龜一有神龜二字三年七月辛卯改元正光而此碑是月十五日立不知辛卯是其月何日也當俟治歷者推之嘉祐八年七



月十一日書右集本

魯孔子廟碑興和三年元第二百九十

右魯孔子廟碑後魏北齊時書多若此筆畫不甚佳然亦不俗而往往相類疑其一時所尚集本傳當自有法又其點畫多異故錄之以備廣覽右真蹟

東魏任城王造浮圖記武定四年元第八百二十五

右任城王造浮圖記不著其名云武定四年建武定東魏孝靜年號也按後魏書景穆皇帝子雲雲子澄集本有子尋二字相襲為任城王其後國絕不封其去孝靜時差遠不知武定四年王任城者為誰也治平元年八月八日書右真蹟

東魏造石像記武定七年元第八百三十九

右東魏造石像記其碑云大魏武定七年歲次己巳武定孝靜年號也今世所行歷譜惟龔穎運歷圖與今亳州宋退一作丞相紀年通譜為最詳而以穎所書推之武定七年歲當己巳與此碑合而武定止於八年是歲庚午東魏滅其事與東魏北齊書亦合而通譜以七年為戊辰八年為己巳又有九年為庚午而東魏滅按孝靜以後魏一有永熙三年立在大統十六年滅是歲庚午則知宋公所記甲子不繆惟武定不當有九年而七年不得為戊辰此其失爾蓋孝靜始即位改元天平盡四年而五年正月改為元象今通譜天平止於三年以四年為元象蓋自元象以後遞差一年故以

武定七年爲戊辰也苟不見斯碑則運歷圖與通譜二家得失其何以決然後知余之集錄不爲無益也治平元年閏五月九日書  
右集

北齊常山義七級碑

天保九年元第十四

右不著書撰人名氏文爲聲偶頗奇怪而字畫亦佳往往有古法碑云常山太守六州大都督儀同三司綦連公以天保九年造浮圖天保齊文宣年號也北齊書有綦連猛而不爲常山太守都督儀同等官不知此所謂綦連公者何人也嘉祐八年九月二十日書  
右真蹟

又別本

右常山義七級碑不著書撰人名氏文辭聲偶而甚怪書字頗有古法其碑首題云慕容儀同麴常山石氏諸邑義七級之碑其文云常山太守六州大都督儀同三司綦連公以天保九年爲國敬造七級浮圖一區云天統中復持節都督瓜州諸軍事驃騎大將軍儀同三司瓜州刺史常山太守六州大都督頻陽縣開國子樂平縣開國男慕容樂及散騎常侍郎驃騎大將軍前給事黃門侍郎繕州大中正食新市縣幹新除常山太守麴顯貴與功曹石子和等增成之蓋北齊時碑也綦連公不見其名北齊有綦連猛不爲常山太守不知此何人而慕容樂官兼刺史太守並封兩縣不可詳也食縣幹入官銜蓋當時之制亦不可詳也義者衆成之名

猶若今謂義井之類也 右集本

永樂十六角題名

歲月闕  
元第九百八十五

右永樂十六角題名不著年月列名人甚多皆無顯者莫可考究不知爲何時碑其字畫頗怪而不精似是東魏北齊人所書十六角者庸俗所造佛塔其後又書云造十六角鎮國大浮圖則知爲塔矣其謂之十六角只見此碑而後魏時又有常山義七級碑蓋當時俚俗語類皆如此治平元年八月八日書 右真蹟

北齊石浮圖記

河清二年  
元第九百七十六

右齊造石浮圖記云河清二年歲在癸未河清北齊高湛年號也碑文鄙俚而鑿刻訛繆時時字有完者筆畫清婉可喜故錄之又其前列題名甚多而名特奇怪如馮戩即馮貴買之類皆莫曉其義若名野义伽耶者蓋出於浮圖爾自胡夷亂華以來中國人名如此者多矣最後有馮黑太者予謂太亦音撻意隋未有劉黑闥吳黑闥皆以此爲名者太闥轉寫不同爾然隋去北齊不遠不知黑闥爲何等語也 右集本

後周大像碑

大象三年  
元第二百九十八

右周大像碑宇文氏之事迹無足采者惟其字畫不俗亦有取焉翫物以忘憂者惟怪奇變態真偽相雜使覽者自擇則可以忘倦焉故余於集古所錄者博矣嘉祐八年六月二日書 右真蹟



